

ውዛረት ዐድል ለነዘመቱ ህድግ “ቅየም ወዐድል” ተ’መ



“ቅየም ወዐድል” እብ ልብል አርእስ ውዛረት ዐድል ለነዘመቱ፡ ወጠንያይ ሰዋልፍ ዲብ ንዛም ዐድል ኤረትርዮ እግል ከምኸምት ለአመ፡ እት አሰመረ ፓላስ ማሌ-ለሀ ለትከሰተ ህድግ፡ ማሌ 30 ኣፕሪል ተ’መ።

ሀደፍ ናይላ ንቃሽ፡ ወጠንያይ፡ ናይ መንጠቀት ወእድንዮ ተጃርብ ዲብ ሕሳብ ለኣተ ወሽከረት ሰዋልፍ መጅተመዕ ኤረትርዮ ለከምኸም ንዛም ዐድል እግል ልትአከድ ቲ።

ዲብ እሊ እብ መሻረከት ኤረትርዮን ወውላድ ካርጅ ሰብ መቅረት እግል ክልኤ ኣምዕል ለገብእ ንቃሽ፡ “ዕመማይ ተውዳሕ ወራት ኣትሳናይ ንዛም

ዐድል ኤረትርዮ እብ መጅብ ዳይመት ዐማር”፡ “እግል ሄራር ኣትሳናይ ንዛም ዐድል ኤረትርዮ ለለአደቅብ ሰዋልፍ ወጠን”፡ “ሰውረት ኤረትርዮ ለትትአመር እቡ ጠባዬዕ”፡ “አዋይን ቅየም ኣፍሪቀ ወናይ ምስተቅበል መርበዮ”፡ “ሰዋልፍ ኤረትርዮ እብ መጅብ ሰዋልፍ ዐድል ኣፍሪቀ”፡ ክምሰልሁመ “ወጠንያይ ሰዋልፍ ኤረትርዮ ለሽሬሕ ሰዋልፍ ዲብ ንዛም ዐድል ኤረትርዮ እግል ዳይመት ዐማር” ለልብል ኣጃንዳት እብ ፋዬሕ ተሀደገ ዲቡ።

መሻረከት ዲብላ ወደዉ ንቃሽ፡ ወራት ከምኸምት ወጠንያይ ሰዋልፍ ዲብ ንዛም ፍቴሕ ኤረትርዮ ለትትሐዜ ፍገራት እግል ለሀሌ

እሌ፡ ፈዓልዮቲ እግል ትትሻፊግ፡ ተውዕያት መቅደረት ኣዳም እብ ትውቀለት እግል ልትከደም ዲቡ፡ ኣምር ሰብ መቅደረት ኣፍሪቀ እብ ምርኩዝ ኣግቡይ እግል ልትከደም፡ እድንያይ ቀዋሂን ምስል ኣለትነ ወቅየምን እብ ትናሱብ ገበይ ከብቲ እግል ልርኩቡ፡ ክምሰልሁመ ንዛም ዐድል እግል ወጠንያይ መሳልሕ ዲብ ሕሳብ ለኣተ እግል ልግበእ ለልብል ወብዕድ ኣፍካር ወፊናታት ቀደመው።

ዲብ ደንጎቤ፡ ወዘረት ፎዝዮ ሃሽም፡ እግል ምሻርከት ሰብ መቅደረት ናይላ መጃል፡ ናይ መሻረከቶም ወሐምዳ ጀዋእዝ ወዘዐት።

ዲብ እሊ እብ ኑዕዮቲ ናይ ሰልፍ ላቲ ንቃሽ፡ “ሐዮት ወጠንያይ ቅየትምን ዲብ ንዛም ዐድል ኤረትርዮ” ሰኔጋል፡ ኬንዮ፡ ኣተብዮ፡ ሶማልዮ፡ ኒከራግወ፡ ኢጣልዮ ወፈረንሰ ለትወከለው ሰብ መቅደረት ወዕዙማም ሻረከው።

ቅ/በ/ቀ፡ እድንያይት ኣምዕል ሸቃለ ትዘከረት

ሄለል ማዮ- እድንያይት ኣምዕል ሸቃለ 2024 “በቃዕት ምህናት እግል ዐማር” እብ ትብል ሰቅራት፡ እብ ደረጃት ኣቅሊም ቅብለት በሐር ቀየሕ እት ዮም 25 ኣብሪል እት ባጽዕ ትዘከረት።

ነፈር መጅልሰ መርከዚ ኮንፈደሬሽን ሸቃለ ኤረትርዮ ኣሰይደ ኣሰመረት ተኸሰቲ እተ ኣሰመዐተ ከሊመት፡ መዕነት ሄለል ማዮ ወሀደፍ ዝክረተ እት ሸርሕ፡ እብ ኮንፈደሬሽን ሸቃለ ኤረትርዮ ለልትሰተት በራምጅ እግል ልትዐወት፡ ክሎም ኣጅሀዘት ሕኩመት ወጅብህት ለወድዉ ዶር ሐምዳ ቀደመት።

እተ መናሰበት፡ ውዛረት ዐመል ወመንገድ እጅትማዕየት ክምሰልሁመ መክተብ ጀብህት ሸዕብየት እግል ደመቅራዋየት ወዐዳለት ናይ ደገፍ ልእኩታት ቀደመው።

ኤረትርዮን ሸቃለ እት ለትፈናተ መራሕል ለወደዉ ወእትሊ ወክድ እሊ እት በራምጅ ብናእ ወጠን እግል ረሸዶት ወድዉ ለሀለው ዶር እግሉ ሐመደት።

እብ መናሰበት ለመናሰበት፡ ሰክርቴር ጀብህት ሸዕብየት እግል ደመቅራዋየት ወዐዳለት ኣቅሊም ቅብለት በሐር ቀየሕ ኣሰይድ ረዘኔ ኣደናይ፡ እብ ክሰሰ ክልፍየት ወታሪክ መሕበር ሸቃለ ኤረትርዮ፡ ክምሰልሁመ ዶር ወመሻረከት ሸቃለ እት መደት ንዳል ወሐቀ ሕርየት እብ መርሐለት- መርሐለት ለከሰሰ ሰሚናር፡ እት ዮም 25 ማዮ እግል ሸቃለ መዲነት ባጽዕ ህይብ እት ሀሌ፡ ኬወ ዋሰዕ ክምሰል ትሰርገላ’መ ሐበረ።

እሊ ክእነ ዲብ እንቲ ሄለል ማዮ፡ እድንያይት ኣምዕል ሸቃለ፡ እብ ደረጃት ኣቅሊም ዐንሰበ እት



ሓክመት ኣቅሊም ቅብለት በሐር ቀየሕ ኣሰይደ ኣሰመረት ኣብርሃ እብ ተረተ፡ እሊ ታሪካይት ዕለት፡ እግል ኤረትርዮን ዝያድ ኣሀምየት ምን ለሀይብ ሸሩጣት ኦር “መተንካብ እት ናሰ ለልብል መብደእ ክምቲ እት ሸርሕ፡

ዮም 26 ኣብሪል እት መዲነት ከረን እብ ነያረት ትዘከረት።

ሄለል ማዮ፡ እድንያይት ኣምዕል ሸቃለ 2024 እብ ደረጃት ዓለም እግል 134 ፡ እብ ደረጃት ወጠን ህይ እግል 33ይት ኢነተ ትዘከር ሀሌት።

ግ/በ/ቀ፡ ኮንፈደሬሽን ሸቃለ ኤረትርዮ እብ ቴክኖሎጂ ኮምፕዩተር 40 ሸቃለይ ኣድሐረት

ፈርዕ ኮንፈደሬሽን ሸቃለ ኤረትርዮ ኣቅሊም ግብለት በሐር ቀየሕ እት መዲነት ዐሰብ እብ ሸርሕ ወፍዕል እት ቴክኖሎጂ ኮምፕዩተር ተእሂል ህይዮም ለዐለ 24 ኣዋልድ ለብኡዮም 40 ሸቃላይ፡ እት ዮም 26 ኣብሪል ትደሕረው።

መሰኡ’ለ ፈርዕ ኣሰይደ ሐሱን ካልድ እተ ኣሰመዐዮ ከሊመት፡ ለሀደፍ መድቀረት ሸቃለ እንዳ ትጠወረት ፍገራት ሸቅል እግል ዓብዮት ክምቲ እት ሸርሕ፡ ዶር ለኣግደ ፈርዕ ወዛረት ተዕሊም እግሉ ሐመደ።

እሊ ክእነ እት ሀሌ፡ እብ መናሰበት ሄለል ማዮ- እድንያይት ኣምዕል ሸቃለ፡ እት ፍንጌ 10 መኣሰሳት ኣሳሳይይ መሓብር፡ ጅግረ ኣምር ዓም ገእ።

እት ካቲመ፡ ርኢሰ መጅልሰ ኣቅሊም ግብለት በሐር ቀየሕ ኣሰይድ ዐሊ ኑር፡ ፈርዕ ኮንፈደሬሽን ሸቃለ ኤረትርዮ እንብቲ ለሀለ መባደራት እት ለሐምድ፡ ሸቃለ ራክግሙ ለሀለው ኣብዮት እቡ እንዳ ትነፈዐው ኣርወሐቶም እግል ልጠውሮ ወእት ሸቅሎም ተቅዮር እግል ለአምእስ ትፋኑ።

እብ ጀህት ብዕደት፡ እብ መዓወነት ቅወት በሐር ኤረትርዮ ወመርከዝ ብሐሰ ወተውሲቅ ጅብህት ሸዕብየት እግል ደመቅራዋየት ወዐዳለት እብ እዳረት ተውሲቅ ወሰጅል ተእሂል ለነሰአው 24 ኣዋልድ ለብኡዮም 63 ኣንፋር ቅዋት በሐር፡ እት ዮም 28 ኣብሪል ትደሕረው።

ለተእሂል፡ ክፋል ናይላ መቅደረት ተውሲቅ ቅወት በሐር ኤረትርዮ እንዳ ትደቀቡ ኣግቡይ ዲጂታል እግል ልእቲ ገብእ ለሀለ ጅህድ ቲ።

መሰኡል እዳረት ቅወት በሐር ካፒቴን ኢስቲፋኖስ ገብረሚካኤል እተ ኣሰመዐዮ ከሊመት፡ ለተእሂል እግል ልትሰርገል ለከድመው ጀሃት ሐቀለ ሐመደ፡ ተእሂል ለነሰአው ኣንፋር እግል ደርሰ ክም መኣንበት እንዳ ረአዉ እብ ፍዕል እግል ልጠውሩ ትፋኑ።

ፋንኮ፡ ዶር መዐየ እት ኣደኣቅቦት በቃዕት ተዕሊም

እት ንዳርየት ሰነይ- እዳረት ደዋይሕ ፋንኮ በቃዕት ተዕሊም ወፍገራት ደረሰ እግል ወቀሎት፡ መሻረከት መጅተመዕ እግል ቲዚድ መዳሪን መዳርሰ ትላከው።

ለሙዳርን እግል ኤሪነ እተ ሀበወ ሐብሬ፡ መሻረከት ደረሰ እብ ዓመት ናይ ኣዋልድ ህይ እብ ፍንቲይ እት ምግባይት ደረጃት እብ ዋድሕ ክም ነቅሰ እት ሸረሐ፡ እሊ ሕሉል እግል ልርኩብ እት ገብእ ጅህድ፡ መሻረከት መዕየ ሙሁመት ክምተ ሸርሐው።

መሕገዝ ኣክትብት፡ መትሐሳር ድሀር ናይ ዋልዳን፡ ኣትካራም ምን ዐግሎ ተዕሊም፡ ክምሰልሁመ ህዳይ እት ዕምር ንኡሽ ምን ኣግደ መታክል

ክምቶም ለሐበረው ለሙዳሪን፡ እሊ ህይ ጅህድ ሕበር ክም ለኣትሐዜ ኣትኣመረው።

ዓማርም እግል ተዕሊም ለኣክለ ምናተ ኣሰክ እሊ ተዕሊም ለኢኣንበተው ኣጅኒት ብዝሓም ክምሰል ሀለው እት ሸረሐ ህይ፡ እት ዐግሎ ተዕሊም እግል ልትገሰው ዶር ዋልዳን ወልጃን ደገገት እግል ልትደቀብ ትላከው።

መሰኡል እዳረት ደዋይሕ ፋንኮ ኣሰይድ ኢብራሂም ሓጅ እብ ተረቲ፡ ሕኩመት ለበኔተን 5 መድረሰት ክምሰል ሀለዮ፡ ብዝሐሕ ሸዕብ እት ወግም እንዳ ኣተ ህይ ዮም ዓመት ናይ ካልኣይት ደረጃት ድራሰት

ክም ኣንበተ እት ለሐብር፡ መሻረከት ደረሰ ምስል ብኒት ህሌት ብንዮት ተሕትየት ሰበት ኢልትሳነን ሳኪን፡ ዋልዳን ኣጅኒቶም ኣሰክ ተዕሊም እግል ልንደኣ ትፋኑ።

እዳረት ደዋይሕ ፋንኮ፡ እት ኣወላይት ደረጃት 1,360፡ እት ምግባይት ደረጃት 454፡ እት ካልኣይት ደረጃት 24፡ እብ ዓመት 1838 ደረሳይ ለሀሉ እት ሀለው፡ ቅያሰ ነጃሕ እት ኣወላይት መርሐለት 2023/2024፡ እት ኣወላይት ደረጃት 82 ማእታይት፡ እት ምግባይት 40 ምእታይት ወእት ካልኣይት ደረጃት ህይ 78 ምእታይት ክም ዐሌ፡ ለሐብሬ ወደሐት።

መዳሊት 33^ይ ዲድ ሕርየት፡ እት ዐድ ወካርጅ ተምም

33ይ ዲድ ሕርየት ኤራትርያ፡ “ደማነት ሰላም እብ ሰላት” እብ ትብል ስቅራት፡ እት ቀበት ዐድ ወካርጅ እብ ነደረት እግል ልትዐደድ ገብእ ለጸንሐ መዳሊት ክሉ ክም ተ’መ፡ መፈወድ ዓዳት ወርያደት- ሰፊር ዘመዳ ተክሌ እግል ውካላት ኣክባር ኤራትርያ እተ ሀቡ ቸሬሕ ሐበረ።

ሰፊር ዘመዳ፡ በራምጅላ እሕትፋል ዮም 27 ኣፕሪል እብ ዕፌ ‘ኮንሰርት’ ኣጀኒት ክም ኣንበተ እት ወዲሕ፡ ኣሰክ ዮም 17 ማዮ እግል ደረሰ፡ ኣንፋር ቅዋት ድፈዕ ወሰነን ምዳርያት ኣርበዕ ኮንሰርት ዱሉይ ክምሰል ሀሉ፡ ክምሰልሁ መዋ-መገርላ ‘ሳምን ሕርየት መዳርሰ’፡ ዕፌ እት ሸዋሬዕ ወደለሳታት መዕዮ፡ ለተሐራት

ስቅራት እብ ቸሬሕ ወብዕድ ጸበዋ ክምሰል ልትቀደም ወደሐ።

እብ ኣሳሰለ ጸቡዋ ለሀለ በራምጅ፡ ሳምን ሕርየት መዳርሰ ምን 8 ኣሰክ 20 ማዮ፡ ደለሳታት መዐዮ ህዩ ምን 20 ኣሰክ 23 ማዮ እብ ደረጀት ምዳርያት እግል ልግበእ ተ።

ሰፊር ዘመዳ እት ደንገቡ፡ ሸብ ክምለ እት በዲሩ እሕትፋሉ እብ ሰኔት ገበይ እግል ለዐይድ ለቡ ተ ሰእየት እት ሸሬሕ፡ ዲድ በኪት እግል ልግበእ እ’ን ተም።

እሊ ክእን እት እንቲ፡ ውዛረት እዕላም’ መ እብ መናሰበት 33ይት ሰነት ዲድ ሕርየት፡ እብ ስቅራት ለትቃነ ለትፈናተ በራምጅ እብ ክሉ ወሳእል እዕላም እግል ትቀደም ተ።



እብ ጀህት ብዕደትመ፡ ዝክረት እዮቤል ዘሀቢ መሀረጃን ቦሎኛ፡ ምን ዮም 10 ኣሰክ 18 ኣገሰት እት ኣሰመረ ሐረት ኤክሰፖ እግል ልግበእ ክምቲ፡ ሰፊር ዘመዳ እብ ተውሳክ ኣትኣመረ።

28 ኣፕሪል፡ - እድንያይት ኣምዕል መንገፍ

እድንያይት ኣምዕል መንገፍ፡ እት ክል ሰነት “ዮም 28 ኣፕሪል” ትትዐደድ። ዮም ዓመት ህዩ፡ እት ቶዲ፡ “እትለ መትብዳድላይት ኣለት ጀው፡ ኣሰበቅት ድሙን ወዑፋይ ሸቅል ወክዱ ኣዘ ቲ” እብ ትብል ስቅራት፡ እግል 21 ኢነተ ትትዘክር ዲብ ህሉት፡ እት ዐድነ ህዩ፡ “ደማን መንገፍ ወዓፍየት ሸቃለ እት ኣካናት ሸቅሎም መሰኡልየት ክሊና ተ” እብ ትብል ስቅራት እግል ሰልፍ ኢነተ ትትዐደድ ህሉት።

እድንያይት ኣምዕል መንገፍ፡ ኣትሐዘየት መንገፍ ወዓፍየት ሸቃለ ወኣካናት ሸቅል፡ ምህም ጋር ክም ቲ ሰበት ትሌለ ወመፍህም ውጃህ ሰበት ረክበት ቲ። ለምን ሰነት 2003 ወእንሰር እት ክል ሐል ትትዐደድ ለህሉት። ሀደፈ ህዩ መሸቅየት፡ ሸቃለ ወብዕዳት ለክሰሰን ጀህት፡ እብ ክሰሰ መንገፍ ወዓፍየት ፈሀምም እግል ወቀሎት ቲ። ለፈሀም ምነ ናይ በዲር ዲብ ልትቀል መጽእ መንመ ህሉ፡ ለትትሐዘ ፍገራት እግል ትትበጸሕ ላኪን፡ ሸቅል ብዘሕ ታርፍ ህሉ።

ተቅሪር መንገመት ሸቅል ዐለም (ILO) ክመ ለሐብሩ፡ ክል ምዕል ዝያድ 6,300፡ እት ክል ሐል ህዩ 2.3 ሚልዮን ሸቃላይ፡ እብ ሰበብ መደረት ምህነት ኣው ምን ሸቅል ለልትበገሰ ሕማማት መይቶ። እት ኣካናት ሸቅልመ፡ ክል ሰነት 317 ሚልዮን መደረት እንዴ ጀሪዮ ክቡድ ከሳይር እጅትማዕየት ወናይ እቅትሳድ መሻክል ሰብ። ሰበት እሊ፡ እድንያይት ኣምዕል መንገፍ፡ እግል እት ኣካናት ሸቅል ለሳድፍ ደረር ወሕማማት እንዴ ነቅሱ፡ ደማን ለቡ፡ ዑፋይ ወለልኣተግኔዕ ተዋልል ሸቅል እግል ኣሰበቅት እተ ገብእ ካድም፡ ወሰክ ሲናዶ እግል ክሊቅ ለኣመመት ተ። ክምሰልሁመ እብ ሰብብል እት ኣካናት ሸቅል

ለመጽእ ኣዘ ወሕማማት ለመይቶ፡ ወምሰክነ ክቡድ ለሳድፍም ኣረይ እግል ፈቂድ ተ።

እድንያይት ኣምዕል መንገፍ ለኣፍገራቲ ኣህዳፍ እት መግሉ እግል ልብጸሕ፡ ክል ጀህት ሐዘተ እግል ቲዴ ወጅቡ፡ መንገፍ ወዓፍየት ሸቃለ ወኣካናት ሸቅል ኣድመኖት፡ እግል ጀህት ሐቲ ለልትተ’ረክ ጋር እንዴ ኢገብእ፡ ናይ ኩሎም ለክሰሰም ጀህት ክም ሸቃለ፡ መሸቅየት ወመራቅበት ጀህት ሕኩመት መሰኡልየት ክም ቲ ተኣተንብህ። መሸቅየት ኣው መኣሰሳት፡ ደማን ለቡ ወውጡይ ኣካናት ሸቅል እግል ልክለቅ ናይ ሰልፍ (Proactive) መባደራት እግል ልንሰኢ፡ ሸቃላመ ለፈግር ናይ መንገፍ ወዓፍየት ቀዋኒን ወመምሬሕ እንዴ ኢጀፋ፡ ኣምዕላይ ኣሸቃሎም እግል ልሳይር፡ መራቅበት ጀህት ሕኩመት ህዩ፡ ፈዓልየትለ ፈግር ቀዋኒን መንገፍ ወዓፍየት፡ ደረጃት ምቅያሱ ወኣብሳሩ እግል ለኣድምኖ ወጅቦም።

መንገፍ ወዓፍየት ሸቃለ ወኣካናት ሸቅሎም እግል ኣድመኖት እተ ገብእ ህለ ጀህድ፡ ክም ናይ ዕሉም ወቲክኖሎጂ ተጠውራት፡ ኣግቡይ ሰጀሎት ሸቃለ፡ ኣሸካል ክድመት ሸቅል፡ መትባዳል ኣለት ጀው ወብዕድ ለጃርቦም ተሐድያት ህሉ። እብ ፍንቲይ መትባዳል ኣለት-ጀው እት መንገፍ ወዓፍየት ሸቃለ ወኣካናት ሸቅሎም እቲ ለኣጀርየ ለሀለ ምድረት እብ ቀለ-ቀሎ ለትትረኡ ኢኮን። እት መንገፍ ወዓፍየት ሸቃለ ወኣካናት ሸቅል ተእሲር እኩይ ለወዴ እንዴ ትበሀለ ለትሌለ ጋራት፡ ተቅደራት ኣለት ጀው፡ ሐፋነት ድቅብት፡ ዴራይ ጮሬሕ ጸኣይ፡ ክሰሐ ሀወእ፡ እት ሕማማት ብዕድ ለልትዐዴ ኣምራድ፡

ኪማእያት ሐርሰ ወብዕድ ተ።

መትባዳል ኣለት-ጀው፡ እት ደሐን ወዓፍየት እግል ለኣምጽኡ ለቀድር ተቃደር እግል ልንቀሰ፡ እብ ክሰሰ ተእሲር ኣለት ጀው ፈሀም ወፈዛዐት መሸቅየት ወሸቃለ ወቀሎት፡ እግል ሸቃለ ትሉሉይ ተእሂል ወምህር ሂበት፡ ፍሐሰ ወተፍቲሽ ዛህራት ምድረት ክል- ዶል ወዴ፡ እትለ መጃል ሕፍዝ እግል ልግበእ ሰጅያት፡ ኣንሳት፡ ሸባብ ወምስኩናም ዝያደት መትክኣት ክም ቶም እንዴ ኣመርኩ፡ ፍንቲይ መራዕያት እግል ኒዴ እሎም ለኣሰትህል። ለንኤት’ን በራምጅ ሸቅልመ፡ እት እቅትሳድ ኣክደር ወኣብካት ሸቅል ለትደለለ እግል ልግበእ ቡ። እቅትሳድ ኣክደር ወኣብካት ሸቅል እት ዐቂብ ድዋር ሸቅል ወመሕበራይ መናፍቡ ወጋብህት ተቅደራት ኣለት ጀው ለህሉት እሉ ሐዘት ቀላል ሰበት ኢኮን። እብ ክለ ሐለትን እግል ንቸቂ እቲ ብዩ።

እት ካቲመ፡ እለ እት ኤራትርየ እግል ሰልፍ ዶለ ትትዐደድ ለህሉት እድንያይት ኣምዕል መንገፍ፡ መንገፍ ወዓፍየት ሸቃለ ወኣካናት ሸቅሎም እግል ኣድመኖት ልትከእ ለሀለ ምሰዳራት ወገብእ ለሀለ ወቀይ ዝያድ እግል ልተረድ ወመሰኡልየት ሕበር እግል ተሀሌ ለትኣትፋቅድ ዕለት ተ። እት ኣካናት ሸቅል ለሳድፍ ምድራት ምህነት ወሕማማት እግል ልንቀሰ ካድም ሕበር ክም ልትጠለብ እንዴ ፈሀም። ኣዘመ ክል መዋጥን፡ ሐዘቲ፡ መሰኡልየቲ ወመጅሁዱ እግል ለኣደቅብ ወጅብ። ክእነ ወዴን ምን ገብእ፡ ትሩድ ወድቁብ ለመድ መንገፍ ወዓፍየት እግል ንብኔ ለሰዴ ቲ።

ውዛረት ዐመል ወመንገፍ እጅትማዕየት

ሸሬሕ ኮንፈድራልየት ሸቃለ ኣራትርየ

እብ መናሰበት 1 ማዮ እድንያይት ኣምዕል ሸቃለ 2024

ሐቲ ማዮ እድንያይት ኣምዕል ሸቃለ ሰነት 2024፡ እብ ደረጀት ወጠን “መቅደረት ምህነት ዴማት ዐማር” ሐንቲለ ትብል ስቅራት እግል 33ይት ሰነት፡ እብ ደረጀት ዐለም ህዩ እግል 134 መደተ ትትዘክር ህሉት።

እብለ መናሰበት እሊ፡ ኮንፈድራልየት ሸቃለ ኤራትርየ፡ ዲብ ዐድ ወካርጅ ለሀለ ሸብ ኤራትርየ ወቅዋት ድፍዑ፡ እብ ፍንቲይ ህዩ እግል ኤራትርየን ሸቃለ ኣሰናይ ዲብ እለ መናሰበት ኣብጸሐነ ትብል።

ተቃሪር መንገመት ሸቅል ዐለም ሰነት 2024 ክምሰለ ለሐብረ፡ ሐቅ እድንያይት ገሸለት ኮርን ሻይረሰ፡ ሐሳሳይ እቅትሳድ ዐለም እብ ሰብብ ናይ ጃግራፍየት ወሰያሰት መሻክል ወፈጊር ምን መራቀብት፡ ክምሰለ ትትሐዘ ዐቦት ኢኣርኣ። ክም ሰብብ ህዩ፡ ናይ እቅትሳድ ሌጠ እንዴ ኢገብእ፡ ሐሳሳይ ክደማት እጅትማዕየትመ ኣሰክ እለ ምሰል ነዋቅሱ ብዘሕ ለሐንክሽ ሆሎ። እሊ ለመሰል መትህእ ሄራር ህዩ፡ እግል ዐቦት ዐዳለት እጅትማዕየት ካርዐ ሆሎ።

እትለ ብዘሕ ለኢትኣፊውሽ እድንያይት ዐቦት እቅትሳድ ትትሰጀል ዲብ ለህሉት ወቅት፡ ቅያሰ ሕግላን ሸቅል ምሰለ ናይ ሰነት 2022 ልትመጣወር እት ሆሎ፡ ዲብ 5.12 ምእታይት መትከራይ፡ ለኣብካት ቅያሰ ሸቅል ዐቦት ለኣርኣ እግል ልምሰለነ ቀድር። ምናተ፡ ሸቅል ለልትጸበር፡ በክት ሸቅል ለኢረክበው ወሰነት ኣዳም ታምም ለበጽሐው፡ ቅያሰ 435 ሚልዮን ሸቃላይ ክም ህለው ለተቅሪር ለሐብር። እሊ ልትሐበረነ ለሀለ ቅያሰ ኣማን ምንገብእ፡ ዐዳገ ሸቅል ማዘነ ድህር-ውቁል ጋብእ ህለ በህለት። ለነቃሰት ቅያሰ ኣብካት ሸቅል፡ እብ መሰምሰ ምን ኢገብእ፡ መቅቡልቲ ለለኣተብሉ ሰብብ ሰበት ኣለቡ፡ ለለኣሰፍቲ ጋርቲ።

ሕድት መቅደረት ምህነት ብቅዕት፡ ወኢመትመጣዋር ቲክኖሎጂ፡ ኣርት ምን ኣሰባብ ሀገጋይ ኣብካት ሸቅል።

ናይ ዮም ዓመት ስቅራት እድንያይት ኣምዕል ሸቃለ፡ መቅደረት ምህነት ብቅዕት ዲብ ዐውቲ በራምጅ ዐማር ለትህሌ እግል ተረት እግል ወድሐት ለኣመመት ተ። መቅደረት ምህነት ብቅዕት ወመዐጸም፡ ክፋል ዓዳት ሸቅል ኤራትርየን ክምቲ፡ ሸሀዶ እግልነ ለኢለኣትሐዘዩ ተእሪክ ኣማንቲ። ምነ ሰናዐት ዋውር ዲብ ኤራትርየ ለኣቲት ዲብ ወቅት እስትዕማር ዋልያን እንዴ ኣምበትኩ፡ እርትርየን ሐንቲ መካፍላይ ላቲ ኣብሳር ወለሰበዩ ኣክይ- መንበረት እስትዕማር፡ እብ መቅደረቶም ወፍጥሮም ኣርኣው ወኣትኣመነው።

እስትዕማር ብሪግግየ እቅትሳድ እርትርየ እግል ልደምር መሳኔዕ፡ ሸርካት ወለትፈናተ ማሸናት ሸቅል እንዴ ናቀለ ለእለ ኣዘበ ወለእለ ኣክረበ ወደዩ። እስትዕማር ሀይሌሰላሴመ መሳኔዕ ሌጠ እንዴ ኢገብእ፡ መቅደረት ለዐለት እግልም እርትርየን ሸቃለ፡ ዲብ ምግብ ኢትዮጵየ እንዴ ኣግዐዘዮም፡ ለመክርባይ ወመደምራይ ሃዳፋ እብ ፍዕል ኣርኣ። ለሐንቲ እስትዕማር ለዐለው ህዩ፡ እብ መቅደራቶም ናይ ሸቅል ተጅርቡቶም ሐፍዘው ወኣውረሰው።

እለመ ልግበእ ድኢኮን፡ እተ ገብእ ለዐለ ግድለ ሕርየት፡ ማርኣይ ተንዘም ጀብህት ሸብየት ዲብ ግሪ ጀብህት ሐርብ፡ ሐንቲ ምድር መሳኔዕ ኣድውየት፡ ጸራብ ዕጩይ ወሐጺን፡ ሸቅየት ነብረ፡ ኣሰእኖታት በህለት ሸደዲት፡ ሸለትት ነዳፈት፡ መድረሰት ሰናዐት ወብዕድ ኣሰሰ። እሊ መሳኔዕ እሊ፡ እግል እብ ደቅብ ለኣተላሌ ለዐለ ግድለ ሕርየት ሸብ ኤራትርየ፡ ረኣሰ ቀደም ለትደርክ ሐለት ወደቅብ ገብእ እግሉ ወዕለት ሕርየት ኣሸፈገ።

ሐቅ ሕርየትም ምን ገብእ፡ ድድ ኩሉ ለሳደፈ ናይ ሐብር፡ ከይናት ከሪም ምን መጅተመዕ ዐለም፡ እቅትሳድ ለለኣትህገን ፍርድ መኔዕ እንዴ ሆሎ፡ ለትፈናተ መኣሰሳት ድራሰት ምህነት እብ ዝዘር ወፍዕል እንዴ ትፈተሐዩ፡ ዲብ ትልም ወሄራር ፍዕል በራምጅ ዐማር ወጠን ተረተን ቀድመ ህለዩ። ምናተ፡ ምሰል ቅድየት ሸቅል መስተቅበል፡ እብ ፍንቲይ ህዩ፡ እት ወክድ-ወክዱ ለሳድፍ ተቅደር ተክኖሎጂ ሐዲሰ፡ እብ ኑዕየት ወኣብ ምህነት ለትትጃገር ቅድረት እብ ሳብት ዕምር ታእሂል ወድሩሰ እግል ትትተሉ ለኣትሐዘ።

ኮንፈድራልየት ሸቃለ ኤራትርየ፡ እትለ ምቅያሰ ዝዘፍ እሊ እንዴ ኣቲት፡ እብ መቅደረት ለትትሐመድ ተረት እግል ተኣግዴ ትከድም ህሉት። ኣላት ዋውር ራሬዕ ለሀለ መርከዝ ምህነት ሸቃለ ባጽዕ፡ ዲብ ሰቦ ደውረት ሰቦ ጅንሰ ምህነት ለኣድረሰዮም ዝያድ 1000 ሸቃላይ እብ ሸሃደት እድሐር ሆሎ። እምበል እሊመ፡ ዲብ ኣቃሊም ጋሽ-በርካ ወዐንሰቡ፡ እብ ቅደረት ሕድድት፡ ምህነት ለደርሰዩ ኣዋልድ ኣንሳት ወሸባብ ሸቃለ ዐለምት እንቡት ህሉ። ምሰል ለትፈናተው ሰብ ሸርካት እንዴ ትትዓወንመ፡ ዲብ ለትፈናተ ምህነት ለኣተንክበ ድሩሰ ምህነት ልትህዮብ ሆሎ።

ኮንፈድራልየት ሸቃለ እብለ መናሰበት እሊ፡ እግል ክሎም ዲብ ዐውቲ በራምጅ ዐማር ወጠን እብ ምህነቶም ለልትሰበሎ መዋጥኒን ሐምዴህ እት ቀድም፡ ሕኩመት፡ ጀብህት፡ መኣሰሳት ወሰብ ሸርካት፡ ምህነት ዋውር ለትዐንደቅ ሸቃላይ እት ኣፍረዮት፡ ወድወ ለህለው ለኢልትሐለል ካድም ተሐምድ ወጅህደም እግል ለኣደቅቦ ትትፋኔ።

ዕምር ዋውል እግል ሄለል ማዮ እድንያይት ኣምዕል ሸቃላ! ዝክረት ዳይመት እግል ሸህዳነ! ዐውቲ እግል ገብል!

ስርቅ ባንክት

“ለኢትዮጵያውያን እንደ ኢትን ለኢትዮጵያውያን ላይ ልክ ይህሉት” ልትባሉ። መደት ልክ እት ልክ መደትን ምን መደትን ቻይነ ለሳይፈት ዐመልየት ስርቅ ባንክት ተ። ክሉ አሕዋሎ መደትን ልግበኦ ወለ ባንክት ክምሰለ ክል ዶል ለሳይፈት እት ህዳኦ ወሰኩንቱ ለዐለ። አመተ ኢተአመረት እት እብ ብዘሐ ዘባይን ተዐጅጅ ለዐለት ባንክት ምር ሰራቅ ክርንቱ እንደ ወቀለ “ክል ምርት ምን ኦነት ተወዘ ኢወደ። ግል ምልክ ሐኩመት ቱ። ወአርወሐትክም ምልክም። ወይ! ወይ! ወይ!” ቤለ ከመውዲ ወጽራር ወደ እቶም። ለእት ባንክት ለዐጅጅ ለዐለ አክራናት ሸቃለ ወዘባይን ክምሰል በዲር ጅጅ ልብል ደዐለ ትም ትም ቤል። እለ ውዲቶም እብ ሚ ትትሸረሕ መሰለኩም። “ፊህም ተቅዶር ፍክር!” ልትባሉ።

እግል እሊ አማውር እሊ ለአሰመዐ ምን ሴርቅት ለንኢሸ እት ገብኦ እብ ዕምር። እብ ድራሰት ህዩ ደረጃት ማጅሰቱር ለብጽሓቱ። እብ ድድ እሊ ለመሰኡሎም ህዩ። ለህቱ እት ሐንቱህ ከድም እብ ዕምር ለዐበ እት ገብኦ። ደረጃት ድራሰቱ ህዩ። ምን ሰላይ ፈሰል ለይሐልፋ ቱ ለዐለ።

እት ሐንቱ መአንብታይት ድራሰት ስመዕ ወጥየዕ ልብል ህለ።

ለሴርቅት ለግለ ነሰአው እንደ ነሰአው ምን ባንክት ክምሰል ትገልጸጸው ለሰር ወሰራራት ባትካም ለዐለው ሸቃለ ባንክት ሩት ሩት እግል ሊቡሎ አንብተው። ለመዲረ ባንክት እት መዲረለ ፈርዕ እንደ መጽኢ። “እብ ሻፍግ እበ እት ባንክትካ ካሰለት ለህሌት ስርቅት። እግል ፖሊስ ሐብርም” ቤለዩ። ለመዲረ ፈርዕ ህዩ። እብ ጅሀቱ ክምእኒ ለመሰል በሊሰ ህበዩ እግል መዲሩ። “እስልፍ ሰብር ውዳ እለ ለእግል ራክባም ለህሌት ፋርሰት እግል ንትነፈዕ እበ ህሌት እግል። አወለን 10 ምልዮን እግልን ለትገብኦ እግል እግል ንሸንክ ህሌት እግል። ወሐር ለእግል እትቡድድም ለዐልነ 70 ፣ልዮን ምሰለ እንደ ጅምዐና ህ እት ረአሰለ ትሰረቀ ምኒነ ግል ልትወሰኩ። ክልኢቱ ህዩ መሰኡልየት ሴርቅት ትረፍዐ” ቤለዩ። እላመ “ሐመሶት እት ውሐዝ!” ትትባሉ።

አቤ! ቀየርት መሰበት እግል መሰለሐትክ በህለት ቱ። ለመዲረ ፈርዕ ደራት!! እት ክል ወርሕ ክም እለ ስርቅት እለ ምንዲ ትሳድፍ እት ልብል እብ ደሚሩ



ህዩ። ልባሶም እንደ ኢረሰሕ 80 መልዮን መዲር ባንክት እግል ልሰረቅ ኢልትወጅብ። በደል ሰራቅ ገብኦ ደረጃትክ እብ ድራሰት ስርቅ እግል ትዓቤ ብእትከ” እት ልብሎ ህሩር ክብዶም ወሐሩቀቶም ሸርሐው ዐለው። እላመ “አምር ቅይመቱ ደህብ

ትትዓደል!!” ትትባሉ። ለመዲረ ባንክት ተበሰም እት ወዳ ልትርኤ ዐለ። ለእግሉ አትባደ ግል ወለ እግል ጂዎም እንደ ቤለው ለሸንከወ 10 ምልዮን ዶላር እንደ ኢልትዕሶ መሰኡልየቱ ሴርቅት አርፈዐው። አቤ! አዜመ ለናይ አማን ሴርቅት እትሊ እቱ እትብር ኮን ኖሶም

መደረ ወውዘረ ወሰብ መሰኡልየት መአሰሳት ክምሰል ቱ ህዩ ተአምሮ ገብኦ! “አቤ! ክምሰል እሊ ወሎሂ” እት ተአረይሞ ወተአቀርቦ ክምሰል ትብሎ አምር አና።

ዲማት ቅሰሰ ወቃይዕ ሸበኩት ሐብሬ



ሴርቅት ባንክ ዐመልየቶም እብ ነጅሕ ክምሰል ነፈዘው አሰክለ ዐቢ ቀይዶም እት ለአትቃምቶ ለንኢሻይ መዲር ክም እኒ ቤለዩ። “ካይሰ ሚርካይነ! ወሕሽም ሹምነ! እስልፍ ለእግሉ ሳርቃም ለህሌት ግል እግሉ ንዕደድ” ቤለ ከሰክለ እግሉ ለሐሸም ዐቢ ሚርካየም አትቃመተ። ለቃይዶም ግንሐት ጽፍዐት ትካይሰ እት ገንሐ ነሃራት። እብ ልቡ አብደ እቱ ወሐር” እሊ ለእግሉ ሳርቃም ለህሌት ግል ሰኒ ብዘሐ ሰበት ቱ እት ዐለቦቱ ወቅት እግል ለአትሐዜና ቱ። እት እዕላም ህዩ ዮም ላሊ እግል ንሰምዑቱ። ከም ክምሰል ሰረቅናመ። ነአምር” ቤለዩ። እላመ ፍድብነ ትትባሉ። እብላ ህዩ ክብረት ምን ተዕለም ትትወቀል ህሌት። በዐል ማጅሰቱር

ትምነ። እላመ “ቀቲል መሻገት!” ትትባሉ። ፈርሐት ደሚርክ ወረኪብ ምራድኩ። ምልዐል መሰለሐት ገቢል ክምሰል ትርእዮ ለትርኤተ።

እት ካልኣይት ነሃር እት ክሉ ወካይል አክባር ምን ባንክት 100 አልፍ ዶላር ክምሰል ትሰረቅት አክባር ትነሸረ። ለሴርቅት ለእግሉ ሰርቀው ግል ክምሰል ሐሰበወ እሊ ኢትን 20 ምልዮን ዶላር ገብኦ። አዜመ ደግመወ ወሰለሰወ ኢንቅሰ ወኢዜደ 20 ምልዮን ሌጠ እት በጥረ። እት ወሳኔል እዕላም ለትነሸሐ ህዩ100 ምልዮም ዶላር ትሰምዐ። እበ እግል ሰምዐው ሰኒ ሐርቀው ወገሀው ለሴርቅት። “ሕነ እት መካጥር እንደ ትከሬነ 20 ምልዮን እት እንሰርቅ። ህቶም

እናስ ላብብ

ሐቱ መደት አርበዐት ነፈር ምርት መሓሚ (ሚክራይ ቃትን) ወሐኪም። ሼክ አባር። ወሐጸን ንኡሽ ምሰል እብ ጥያረት ካምሳየም ጠያርለ ጥያረት ሳፍሮ ዐለው። ሰድፈት ለጥያረት ሐቆለ ሰኒ ትወቀለት ዕጥል ፈኒ ህቱ ሰደፈየ ወምነ ሰፈረ ረአሰ ትሐት እግል ብቆት ትሄበበት። ለጠያር ጥያረት ምን መራቀብት። ፋግረት ክምሰል ህሌት አሰአለዮም። ወአተ እግል ክል ዶል ዱሊት እግሉ መዘለት መንገፎ እንደ ገብኦ አርወሐቱ አድሐኩ። እት ወቅት ለህይ ለታርፋት ለዐለዩ ሰለሰ መዘለት ተን ወለ አዳም አርበዕ። እስልፍ ለሐኪም እንደ ቀንጾ። “አነ ህለዮት ወድ ሚን አደሚ እት ህለዮቹ

ሰበት ለአተንክብ አውለውየት እግል ትትህየበኒ ህሌት እግል” ቤለ ወእግሉ መዘለት ለሐቱ ነሰአ ምናም ከህቱመ አርወሐቱ አድሐኩ። አዜመ ለመሓሚ እንደ ቀንጾ “አነ ክሉ እት ፍክርዬ ወአምርዬ። ምዕጥን ፍክር ወአምር እት እዲነ ሰበት አነ ምሰለ ተርፈ እግል እትረፍቱ” ቤለዮ። ወእግሉ ካልኣይት መዘለት ነሰአ ከአሰረ ጠያር ወለ ሐኪም ትሄበበ ህቱመ።

እንተ ትነጅ እበ” ቤለዩ። ላመ ንኡሽ ሕጸን እበ ረሐመተ አባር ሼክ ፋርሕ እት እንቱ ወእንደ ኢልትሃለግ። “አብዕሶ እግል ክሊነ ሐቱ ሐቱነ መዘለት ህለዩ እግል። ለፋክር እናስ እት እዲነ መዘለት እት ለአመሰለ ቦርሰትዬ (ሸንጠቹ) ተ ለእግሉ ናሰኦ ህለ” ቤለዩ ልትባሉ። ክእብለ ለዐቢ ለሐሸም ንኡሻይ። ወለ እት ንኡሽ ልርሕም አባር ብረአት ድሚርም ወፍዕሎም እበን ነግፈው። ለዲማት ፍክር ወአምር አነ እንደ ቤለ እግል አርወሐቱ ለሰናቀ ወሐለ መሓሚ ክባባይ እግል ዲማሁ ገብኦ። ከቀድረትክ ወሕሸመትክ መልሀይክ ለአምረ እግልከ!!

ለአባር ሼክ እብ ገጽ ረሐመት ወዕሸረት እግል ንኡሻይ ሕጸን እት ለአትቃምት። “ግድም ጣይ’አብክ እድንዮ ጥዕመ ወመራረ አነ ርአሀ ህሌት። ወእንተ እብሃዘትክ እት አዜቱ። ከለ ታርፈት ህሌት መዘለት



ሰወር፣ አሌል በረከት

ድን ቅርረ ማሌ ወዮም (1ይ ክፍል)

እተ ለሐልፊ ወክድ ሱሕፍዩን ጀራይድ ኤሪትሮፕ አስክ ምዳርየት ቅርረ ጀውሉት ዋድያም ዐለው። ዲበ ጀውሉቶም ሆይ፣ እብ ክሱስ ዳሕየት ቅርረ፣ ምስል መስኩል እዳረት ዳሕየት ቅርረ አሰይድ እድረሰ ሰዲድ ዕመራት ወሲድያይ ኔርስ መሐመድ ዐለ. መሐመድ ፍጉራይ፣ ከምስልሁመ እስታዝ እብራሂም መሐመድ ዐለ. እት መድረሰት መእንብታይት ደረጃት ቅርረ ክም ሙዲር ሸቄ ለሀሌ፣ እብ ሰበት ድን ቅርረ ወክደማት እጅጉማዕየት ሃድጋም ዐለው። ታምም ጽበጥ እሊ ተሌ ቱ፣ ቅራኒት በኪተት።



አሰይድ፣ እድረሰ ሰዲድ ዕመራት

ሰኣል፣ አሰይድ እድረሰ ሰዲድ ዕመራት፣ ሰልፍ እብ ሰበት ዳሕየት ቅርረ ተውዳሕ እግል ተሀበ?

በሊሱ፣ እሰልፍ እብ ሰሜትቹ ወእብ ሰሜት ሰነን ድን ቅርረ እግል አሐምደኩም እፈቱ። እሰ መንጠቀት እሰ እክር ሕዳድ ወምስል ሱዳን ለተኣትራክበኝ መንጠቀት። እሰ ዳሕየት እብ ቅብለት ምስል ሱዳን፣ እብ ግብለት ምስል ዳሕየት ዓለ-ጸዕደ ወምፍጋር ጸሓይ ምስል በሐር ቀየሕ ወእብ ምውዳቅ ጸሓይ ምስል ተቤሕ ትትሓደድ። ክም ዳሕየት፣ በዲር ብዙሕ ዐደታት ዐለ እግሉ፣ እኪ ላኪን ምስል ናይ ማይ ወሐጋይ፣ ከምስልሁመ ምስል ሳድፍ ለዐለ ጀሐር እግል ድራሰት



መሐመድ-ዐለ መሐመድ ፍጉራይ

እንዲ ትበሀለ ለበዘሐ ሸዐብ እትሊ ድን ቅርረ ክም ልትከምከም ገብእ። ሐዳም ንዋይ ወሐርስ ለም ፈግሮ እንድኣኩን፣ ለዳሕየት ለበዘሐ ሸዐብ እትሊ ሓድር ወክምኩም። ሸዐብ እሰ ዳሕየት ትጃረት ልቡሰ እትሊ ወክድ እሊ ኣህሌት እግሉ። ሐርስ ላኪን የም ዓመት አልሐምድልላህ፣ መሻክል አምበጠ ሳደፊን እንዲኣኩን ግሩም ሆሌ። ውዛረት ሐርስ ሆይ የም ዓመት እትሊ ጃንብኝ ሰኪ ሸቀው። እት ከደን ወእት ሐርስ ለብዲቡ መናጥቅ እንዲ ተሐረከው ካፍሐው። ላኪን ለኢትአመረ ገሌ ሐሸራት እግል ዐጋብ ቀደም ወክዱ ለልኣየብስ ሰበት ሳደፊ፣ ገሌ መሻክል ትረኣ እንዲኩን አንበጠ ላቱ ተዐወተው እቱ። ለነፍረ ምኖም ሆይ፣ እግል ሐረሰቶት ኣላት እንዲ ሀበው፣ ፍሶም ክም ለአበድወ ገብእ ሀሌ። እሰ መንጠቀት እሰ ዓመተን

ትግራ ለሰኪን ወሐዳም ምን ረሻይደ ወትግርኛ ልትረከቦ ዲበ። ሰነን እሰ ክሰሰ እኪ ሐድ 310 ቤት ሀለየ እግል። ለአዳም እብ ትንፋስ 1190 ገብእ። ምስል እሊ፣ ለመንጠቀት ናይ ሰብክ ወሰግም ሰበት ተ፣ ሰነን ምንዶል ዲብ ዶል ልውሕዶ ወበዘሐ። ቅርረ ክም ድን ሰክንት ወክደማት ተዕለም፣ ዓፍየት ወእሰጥግ ለብዲበ መንጠቀት። ምስል እሊ ከደማት ወእሰትቅራረ ላኪን እኪ እብ ፍርሀ ውሐዝ እት ርዕብ ኩራት ሆሌት። እሊ ሆይ፣ በዲርመ ልትርኤ ለዐለ ምንግቱ፣ ክም እሊ እተ ለሐልፊ ወሬሕ ናሽምበር ለሳደፊን ርኡይ ኣኩን።


ሰኣል፣ እሊ መሻክል ውሐዝ እብ ከኣይ እግል ልትሳራቡት ትብል?

በሊሱ፣ ሕን እብ መቅደረትን ዕጩይ እንቃርጭ፣ ዐሻይን ትርበት እንመልእ ወእቡ እንክርዑ ዐል። እኪ ላኪን እሊ ክሉ ምንመ ወዳነ ሐል እግል ለአምጽእ ቃድር ኣህሌ። ሕኩመትመ ሐቱ ይእንቀሰት ምን፣ ምን ሓክመት አቅሊም አስክ ሙዲር ምዳርየትክሎም መጽኡን ወልርኡን ዐለው። ላኪን አስክ እሰ ጋብኣት እግልን ለህሌት አለቡ። ሰበት እሊ፣ ክምለ እተ ሐልፊ ወክድ ለትረኣ ውሐዝ ሳደፊ ምንገብእ። እሊ ድን እግል ለህሌ ኣኩን። ከሕን ለእንብለ እብ ጀሀትን እግል ኒደየ ለእንቀድር ክለ ጋብኣት ሆሌት፣ ላኪን ሐል ለትአበጽሕ ሰበት ኣኩን፣ ሕኩመት በርናምጅ እግል ቲዳ እግል፣ እብ ሸካት ናይ አሰላክ አው እብ ጀራፋት ለመሓዝ እንክሩ ወገብየ ክም ቀይር እግል ልግበእ። ሰበት ለመሳሪትላ መሓዝ ዐባይተ ወአድሁይ ብዙሕ ሓድር እተ ሆሌ። እሊ አርድ እሊ ሆይ ሐጸ ሰበት ቱ፣ ዝላም ድቅብት ዘልመት ምን ገብእ ክምመ ሰከር ልትመየሱ። እብሊ ለሐል ምን ሕኩመት ንታከየ ሆሌ።

ሰኣል፣ ክም ሸዐብ ረኣይኩም ማቲ ለዐድ ምን እሊ ለህሌት ምን ትግዕዝ ወለካድም ሕኩመት ምን ትትሰሎ ረኣይኩም ማቲ?

በሊሱ፣ አምዕላይ ለውሐዝ መጽናተ ሐድ ዕሰረ ቤት ለገብእ ዲበን አተ ምን። ወእሊት ትገሌት ወእብ ፈድል ረቢ ወሸዐብ ተርፈት። ሐቆ እሊ ሕን እተ ዶል ሸዐብ ጀምሮ ከንግግዝ ወለንሸቄ እምቤ። ምን ክሳረትላ ሸቅል ዝያድ ክሳረት ናይላ ምግግዝ ተግባይ ወአካንመ እተ እንግዕዝ ኣለብ። ላመ ደዋይሕ እንዲ ትረኣ ወትገኣቱ በዲር ለትአተ። ከምስልሁመ መእሰሳት ብነ ወአብያት ብነ ባንያም ሕኩ። ሰበት እሊ ምግግዝ ሰበት ኣህሌት እግል፣ ሕኩመት ዐግም ልግበእ ውበዕድ ሐል እግል ትባሰር እግልን ለኣትሐኪነ ሀለ ቤለው።

ሰኣል፣ ለመሻክል ሳምግሙ ሆሌኩ ሆቱ እት አካኑ እት ሆሌ ራክባሙ



ድን ቅርረ

ለህሌትም ከደማት እጅጉማዕየት ወትጅቱ ማ ሀለ?

በሊሱ፣ ሕን ሕኩመት ኣሳሰ ከሬት እግልን ወወዳት እግል። ሐቆሁ ለመጽእ ለመራዐቱ ሆይ ዲብናቱ። ለህለ እግልን መደረሰት፣ ዕያደት፣ ከምስልሁመ ከደማት ማይ ሀለ እግል። እሊ ክሉ እሊ ሆይ እኪ እንዲ ከርብ ገይሰ ሆሌ። መሰለን፣ መድረሰት ረኤነ ምንገብእ። ሐሽ ዐለ እሰ ወእብ ወላዊል ወድቀ። እሊ አርድን ለሐጸሁ ሳብት ኣኩን፣ ለልግዕዝ ወለሐድር ጨበል ኤተቤት ቱ። እምበልሁመ ለዚንገሁ ከርቤ ሰበት ሆይ፣ እሰ መንጠቀትን ሐፋነት በ ወረጠብትመ ሰበትቤ እትሊ ለብነ ዕምር ብዙሕ እግል ልጽጎሕ ኣቀድር። እብ ጃንብኝ ጅዙእ-ጅዙእ እንዲ ወዳነ ተቅዩር ወዳነ፣ ላኪን ምን መቅደረት ናይላ ሙጅተመዕ ወለዐል ገብእ። ከኣይ ኣትሳናይ ተሐኪ ሆሌት። ዕያደት ሆሌት ወመኪነት እሰግፍ ብኩ፣ ላኪን ካፍየትን ኣኩን። እግልሚ፣ ለባካትን ወዲብ መንጠቀት ቅርረ-ሱዳን ለህለ ዎሮ ሸዐብ ሰበትቱ፣ ሆቶም ዲብኝ መጽኡ ወልትሳረው ወሕንሰመ ዶል-ዶል ዲቡ እንዲ ገሰነ ሰበት ንሳራ መሓዝ ሆሌ። እምበልሁመ፣ ለአብያት ጸቢብ ሰበት ቱ፣ እግል አርሐቦቱ ምንመ ኣልትቀደር፣ እብ ሸዐብ ዳሳት እብ ገሊል እንዲ ትብኝ ክም በረንዳት እቡ ንትሳፊዕ ሆሌ። እምበልሁመ ምስል ለህለ ናይ መትንፍዕት ብዘሐ ካፍየት ሰበት ኣኩን፣ እግል ትትወሰክ እግልን ነሐኪ። ማይ ሆይ ሀለ እግልን ሐን-አርድ ክጠጥ ብኩ። ላኪን ጀንሬተር ዐለት እግል፣ ኣያም በ ከርብት ከእግል ትሰኔ እንዲ ትበሀለት ክም ጌሰት እሰፔር ኣትረከበ እግል ከእቅብልትን ኣህሌት። ለሳላር ሆይ ጊማይ መጽኡ ከአርድ ገልበበ ምንገብእ ምስል ጸሓይ ሰበት ሸቄ፣ ማይ ይእንሰቱ በጥር ምን። ለመድርነ ሕፋብ ሰበት ቱ፣ እምበል ማይ እግል ትንበሩ ሰበት ኣልትቀደር ለጀንሬተር እግል ልምጽኣነ ለከሰሰ ጀሀት እህትማም እግል ተሀቡ እን ኣትፋኔ።

ሰኣል፣ ሴድያይ ነርስ መሐመድ ዐለ መሐመድ ፍጉራይ እብ ሰበት እሊ ዕያደት እግል ሸዐብ ለትሀይቡ ከደማት ወለሳድፍ ነዋቅስ እግል ትሸረሕ እግልን?

በሊሱ፣ እንሰር ለልትሆብ ከደማት ናይ ወሊድ፣ ተዋጊም (ፍድኢት)፣ ናይ እም ወውላደ ቀደም ወሊድ፣

ከምስልሁመ እት ለኣትቀባብል ለልትሳራ ወእግል ሐድ ወክድ ለነኣሰክቡ ሕመም መጽኡ። እብ ፍንቱይ ሸዐብ ፈህም እንዲ ረክበ አስክ ዕያደት እንዲ መጽኡ ክም ልትሳራ ወእግት ሆይ፣ እብ ፍንቱይ ምን ሕክምን ወኪን ወልደ ለዐለየ እት ሕክምን እንዲ መጽኡየ እግል ልውሉደ ጅህድ ገብእ ወእብ ሰላም ክም ልትፈረጅ ገብእ ሆሌ። መሻክል ላለበን እማትመ እት ወክድ ሰኪ እንዲ ትረኣየ መሻክልን ክም ልትገኝሕ ወሐል ክም ረክበ ገብእ ሆሌ። ምስሉ ዝያድ ለእንረክዝ እቱ ናይ ፍድኢት ለከሰሰቱ። ሕን ምስል ሕዳድ ብዘሐ ሸዐብ ምንመ ለሀሌ፣ ለገብእ ግርዝ ተዋጊም እግል ኣልትካርም ጅህድ ገብእ። እሊ ሆይ፣ ዲብ ማይ ለኣትንክብ፣ ሐቱ እም ሰለሰ ዶል እብ ሰበት ጅናህ ሕሰር ክም ወዳ ገብእ። ሰልፍ ወክድ ዕምስናህ፣ ካልኣይት ወክድ ወሊደ ወሳልሳይ ዶል ወክድሰ ፍድኢት (ተዋጊም) ቱ። እሊ እንዲ ኣመረየ ሆይ እብ ገብይ ሰኔት ቀንጸቡ ሆሌ። ለብዕድ ከመማት ሆይ፣ ሰኪ ሆሌ። እሊ ሸዐብ እሊ ለትሆብደ ደወ እብ ሕሰር ለነሰኢ። ለመጽኡን ደዋመ እግል እሰ መንጠቀት ካሬ ወዐለ እት እንቱ።



ንቅጠትን ተውክሶ ማይ ቅርረ

ምስል እብ ሰብክ ወሰግም ለመጽኡን ሸዐብ ላኪን ሸበህ ልውሕድ ምን።

ሰኣል፣ ለህሌት እኩም መቅደረት ኣዳም ወኣላት ሆይ ከፎ ተ?

በሊሱ፣ እሰ ዕያደት እሰ ሐምስ ነፈር ሆሌን እተ። ኣሰክለ ገብእ ገብእ ሆይ፣ ካፍያም ሕን ምንመ ኣልትብሀል፣ ኣዳም እግል ልትወሰክ ለኣትሐኪ። ምን ሰነት 2013 ሆይ፣ ኣምቡላንስ በሀለት መኪነት እሰግፍ እንዲ ገብኣት እግልን መሳድድ ሕማም ውውላደት ዶል ሳድፊ፣ እብ ዋጅብ ክም ነኣሰተፊድ ምን ገብእ ሆሌ። ከደማትን ሆይ፣ እግል ክሉ ሸዐብ ለገብኣቱ፣ እግልሚ፣ ዓፍየት ርኤነ ምንገብእ ጸሊም ወቀዬሕ ንኡሽ

ወዐቢ ለከሰሰ ኣኩን፣ እግል ክሉ መዋጥን ለትሸምልተ። እትሰ ዕያደትን ለመጽኡን ሆይ ክሉ ክድመት ረክብ። ለምስሉም ለህሌን ጃራን ሕዳድ ሱዳን ለህለው ሆይ ምስሉም መግዛነት ወሰዳይት ኣድሕድ ለከሰሰ መፋህማት ሰበት ብነ ወሓለት ውፋቅ ሕዳድ ኣምነ ወሰላመ ሰኪ ዋሰል ሰበት ሆሌ። እትሊ ለመጽኡን ወለለልትሳረው ሆሌው።

ሰኣል፣ እብ ብዘሐ ለልትርኤ ሕማማት ሆይ ማይ ወ ማቲ?

በሊሱ፣ ክም ፍጋር ለመስል ልትርኤ፣ እግልሚ መንጠቀት ሕዳድ ሰበት ተ፣ ኣኪንዳፍት ማይ ለመስል ሰበት ልትርኤ፣ ማይ ናይነ ላኪን ደሐንቱ፣ ብዙሕ መደረት ኣትትርኤ ምን። ካልእ ሆይ ናይ ሆዋእ እንትሃባት ለመስል ልትርኤ፣ እምበልሁመ ሕማም ቲቢ በሀለት ሰዕለት ዐባይ ለመስል ሕማማት ሕዳድ ወመንጠቀት ሰብክ ሳግም እብ ግብኣቱ ዲብ መራቀብቱ ክብድ ልብል።

ሰኣል፣ ፈህም ሙጅተመዕ እት ዓፍየት ሆይ ከኣይ ልትቀየም?

በሊሱ፣ እሊ ሸዐብ እሊ ክልዶል



መጅልስ አምን ወለዛልም ቀራራቱ ድድ ኤረትሮፕ (15^ይ ክፈል)

እብ፣ ዶ/ር አሕመድ ሐሰን ድሕሊ

1. ጃፓን

ወኪል ጃፓን ዲብ ማዘመት ምጅልስ ቅራን ሰፊር ዩክ፣ ታካሰ እግል ዐዱ እግል ቀራር መጅልስ አምን ዕልብ 1907 ለሌላይድ ለሀብተ ክርን ሸፊሕ ዲብ ሀሉ፡-

1. “ጃፓን እግል ቀራር 1907-2009 ዲብ ቀረርት ለሻረከት፡ እግል በዳሪት ድወል አፍሪቀ ሰበት ተሐሽም ቱ።”
2. “ደግሻ እብ ዲብሎማሲያይ አግቡይ እግል ልርሄ ቡ። ክምሰልሁመ እብ ንቃሽ ወዜረኖት።”
3. “ክለን ድወለ መንጠቀት ክምሰልሁመ ኤረትሮፕ፡ እብ ቀራራት ምጅልስ አምን እግል ሊጊሶ፡ ጃፓን ናይ አማን ሰእየተ ትሸፊሕ” ቤሉ።

መግባር ጃፓን እብ ክሰሉ፡-

ቀድማይ፡- ጃፓን ክምሰል ነፈር ምጅልስ አምን ቅያሰ እብ ሰበትሉ ዲብ ረአሰ አፍሪቅያይት ደውሉ ለልትነሰእ ናይ መኔዕ ቀራር እንዴ ኢሉሐልፍ፡ ሐቂቀቱ ናይ አከዶት ዋጅባት ሰበት ቡ፡ ድወል አፍሪቀ እግል ሐሽግት እብ ትብል ምሰምሰ እግል ትህረብ ለወጅብ ይወሉ። ሐሽግት ድወል አፍሪቀ ህይ እብ ዋዴሕ መትሃዦን ዲኢኮን፡ እብ ዐውል ደውሉት ወሸዐብ ኤረትሮፕ እግል ለአምሸሽ ምኑ ይወሉ እለን።

ካልኣይ፡- ምጅልስ አምን፡ ድወል አፍሪቀ ጠሉብ ሰበት አቅሪቦ እቱ ሌጠ ዲብ ረአሰ ኤረትሮፕ ናይ ምኔዕ ቀራር እግል ልትቀረር ለወጅቡ ኢኮን። ምጅልስ አምን ዲብ ረአሰ ድወል ናይ መኔዕ ቀራር እግል ልሕለፍ ገብእ ምንገብእ፡ እብ ሚሳቅ መዝመት ምጅልስ ቅራን ለቀርሮ መግደእ ወቀቀን፡ እግል ልትሐከም ለቡ፡ እግል እሊ ህይ ወኪል ጃፓን ሰኒ ወአማንቱ ተአምሩ።

ሳልሳይ፡- ዲብሊ ወክድ ለሀይ እግል እተሓድ አፍሪቀ ትመሬሕ ለዐለት ሊብዩ እግል ቀራር ክምሰል ትትቃወም ወድዱ ክምሰል ሰወተት፡ ቀድሞት አፍሪቀ እብ አፍሪቅያይት እግል አሰከቡቱ እግል ሙአተመር ሚርሐት እተሓድ አፍሪቀ በክት እግል ልትህየቦ ክምሰል ጠልበት ህይ ወኪል ጃፓን ዲብ ማዘመት ምጅልስ ቅራን ለአምር ዐሉ። ምናተ እግል ናይ ፍዕል ወመሰኡልየት አፍካር ሊብዩ ኢሰደዩ። ሰበት እሊ መኔዕ ክምሰል ትቀረረ ደውሉቱ እግል በዳሪት አፍሪቀ ክምሰል ተአይድ ሸርሐቱ፡ ለወድዩ ወልትሃዦ ዲብ ሕድ ለኢብይእ ክምቱ ሌጣቱ

ለለአፍህመን። እሊ ህይ እብ ዕን ሐቂቀት ራቴዕ ኢኮን ሌጠ እንዴ ኢገብእ፡ እብ ሰያሰትመ ወእክላቅያይትመ ዶል ትርእዩ ዝያደት ለለዐይብ መዋዲት ቱ።

ራብዓይ፡- ኤረትሮፕ “አክይመቃርሕ ምን ዲብሎማሲያይ አግቡይ ወኪን እግል ልሰከብ ቡ” እንዴ ትቤ ኢተአምር። እግል መግደእ ህደግ ወዜረኖትመ ቁውምት ኢተአምር። ደውሉት ኤረትሮፕ ክልዶል እግል ትብሉ እት ፍዕል ተርጅመ። እግል ምን የም ሕርየተ (1991) አሰክ የም እብ ግዋሬ ድወል ወብዕዳት ሳድፈ ለዐለ ዋይዲባት እብ ከአፎ ትዋጅሁ ክምሰል ዐለት ለለአክድ እሰባት ብዙሕ ቱ። እሊ ሐቃይቅ እሊ ወኪል ጃፓን ሰኒ ወአማን ክምሰል ለአምሩ

ድዱ ኤረትሮፕ፡ ዲብሊ ወክድ ለሀይ እብ እድንያይ ቀዋን ሚሳቅ መዝመት ምጅልስ ቅራን ወምጅልስ አምን ለኢትትሐከም ለዐለት አቶብዩ ክምሰል ዐለት ህይ ባዲ ምናቱ ገብእ!?

ለቀድሞት ለሀ እብ ሐቂቀት ወቃኑናይ ደሚር እግል ተአሰክበ ልትቀደር ዐሉ። ምናተ እዲን እብ ሐሊት ትትመለክ ክምሰል ህሌት ሰፊር የክዩ ታካሰ ለኢሉአምሩ ይወሉ። ሰበት እሊቱ ህይ ናይላ ወክድ ለሀይ እዳረት አሚሪክ እብ ገበይ ምጅልስ አምን ወብዕዳት እድንያይ መአሰሳት እንዴ ወዴት ዲብ ተሓለፉ ለዐለት ብዙሕ ኢዳድል ወኢቃኑናይ መኔዕ ዲብ ወግም እንዴ አተ ልትረኤ እት ህሉ፡ኤረትሮፕ ለትፈንጉት ይወሉት። ብዕድ ሕድ ለሸብህ ዐገብ ለጀረ እተን ክምሰልመሰል ለልትረአየ ድወል ዲብ አፍሪቀ፡ ኤሰዩ፡ ግብሉት አሚሪክ ብዙሓት ተን።

ወኪል ዲብ ማዘመት ምጅልስ ቅራን ሰፊር ክርሰትያን ኣብክር ሙዌደ እንዴ ወዴት፡ ለድድ ኤረትሮፕ ለሐልፈ ቀራር 1907 ለለተይድ ሶት ሀበት። ወኪል ህይ እግል መጽእ አሰባብ አቅረቡት።

1. “አውሰትራልየ እግል ክሉ ለዲብ ሶማል ወራት ሰላም ለዐንቅፍ መዋዲት ትሰቅቅ።”
 2. “አውሰትራልየ መዋ-መግሪ መኔዕ፡ እግል ህላ ሰያሰያይ መሻክል እግል አርህዮት ጅህድ እግል ልግበእ ዳምነት ክምተ ትሸርሕ።”
 3. “ሕኩመት ኤረትሮፕመ ዲብ በናይ ንቃሽ እግል እትየት እግል ክሉ አብካት እግል ትትነፈዕ እቡ በ።”
- እግል እሊ ወኪል አውሰትራልየ ለአቅረቡዩ አሰባብ እሊ ለተሌ በሊሰ እግል ልትህየብ

እግል ልመርምር ዐለ እሉ።

ካልኣይ፡- እብ ድማናይት እዴክ መኔዕ ዲብ ቀርር፡ እብ ድገለባይት እዴክ ሐል እግል ትሕዜ ለልትቀደር ኢኮን። የምክን ለክምሰልሁ ለወዴ ድማናይ ወድገለባይ እደዩ ናሱ እንዴ ኢገብእ ብዕዳም ጅሃት ለለአዝዞ እግሉ ምን ኢሊህሉ!!

ሳልሳይ፡- ዝያደት ክሉ ለለትዐጅብ ህይ ወኪል አውሰትራልየ፡ ኤረትሮፕ እግል ዲብ ረአሰ ለትቀረረ ኢቃኑናይ መኔዕ ክምሰል በክት እንዴ ትነፈዕት ዲብ በናይ ንቃሽ እግል ትእቱ መትሰአሉቱ። ለለህደግ እቡ ጋር ሚ ወምሰል ምን ክምሰል ገብእመ ኢወደሐ። የምክን ምሰል ምጅልስ አምን በህሉቱ እግል ኢልግበእ።



ሸክ አለብን። መግባር ድወል ዲብ ቀራራት ምጅልስ አምን፡ እዜ ለትፈናተ ቁሪን እብ ቡ አግቡይ እግል ትሸርሐ፡ ወቅት እብሊ ኢኮፍዩ አፍካር ለትረገሐ ክምቱ ሰኒ ወአማን እንዴ ወዴን ነአምሩ። ለአፍካር ለሀይ ሳኪን ሳብድ ኢኮን ዲብ ፍዕል ወዐድክ ወቃኑን መግደእ ለትነደቀ እግል ልግበእ። እሊ ህይ ምሰጠር ኢኮን። ሰበቡ፡ ክለን ለእግል ኢዳድል መኔዕ ለአየደየ ድወል፡ ሰረን ዲብ ወቅት ብዕድ ቅረዲት እግል ልርከቡ፡ ሰረን ህይ ተበሰም ዲብ ልብሊ ገጽ “መናቢተን” ዲብ ለአቀምተ ለህየቢያህ ሶት ተ።

ሓምሳይ፡- ወኪል ጃፓን፡ ኤረትሮፕ እብ እግል ሰያደተ ወወጠኒያይ አምን ለለአፈርህ ዲብ ረአሰ ለትቀረረ ኢቃኑናይ ቀራር መኔዕ ምጅልስ አምን እግል ትዋየዕ ለጠልበ እብ እሱወ ገበይ ቱ ገብእ? እብ

ፈረንሳ እግል አሚሪክ ዲብ ሰነት 2003 ዲብ ረአሰ ሂራቅ ሐርብ እግል ተህርሰ ለሓለፈቱ ቀራር ዶል ትቃወመቱ፡ ናይላ ወክድ ለሀይ እዳረት አሚሪክ፡ እብ ገበይ ወዘር ካርጅየተ ለዐለት ኮንድሌሰ ራይሰ እንዴ ወዴት፡ እግል እሊ ሳብተት ዕዱ ምጅልስ አምን ሳተ ፈረንሳ እግል ትጃዝዩ ክምተ ክምሰል አርፋረህተ፡ እሊ ህይ ዲብ ሰነት 2009 ለዐለ ወኪል ጃፓን ለፈቅዱ ጋር ክምቱ ሸክ አለብን። ክል ነፈር ክምሰል ልዘኩ ህይ፡ ዲብ መደት ለሀ እዳረት አሚሪክ፡ ናሰ ግዛም ርኢሰ ሰዳም ሕሴን አሰለሕ ደማር ክምሰል መልክ፡ እግል ምጅልስ አምን እንዴ አከድ፡ ምጅልስ መን ዲብ ረአሰ ሂራቅ ሐሊት ናይ መትንፈዕ ቀራር እንዴ ኢሉሓልፍ ናሰ ምሰዳር ነሰኣት።

10. አውሰትራልየ አውሰትራልየ እብ ገበይ ሳብት

ቀድር።
ቀዳማይ፡- ኤረትሮፕ ወራት ሰላም ሶማል እግል ዐንቀፎት ሕርክት ኢተአምር። ሰፊር ክርሰትያን ኣብክር ኢሉአምር። ይአመረ ዲኢኮን፡ እግል ዕምቅ ታሪካይት ዕላቀት ኤረትሮፕ ወሶማል ለለአምር ምን ለዐሉ፡ በታተን ክእን ጌማም እግል ለህሌ እሉ ወኢቃድረ ዐሉ። ሐርብ አድሕድ ሶማል እግል ሀወኖት ወእግል ክሉም ሶማልዩን ቅዋት እብ ሕበር ዲብ ዐግሎ ንቃሽ እግል አምጸኡት ኤረትሮፕ ለአግዴቱ ዲብሎማሲያይ ወሲያሲያይ ጸገም እሙር ወለትወሰቃ ቱ። ሰበት እሊ ወኪል አውሰትራልየ እግል ዛልም ወኢዳድል ቀራር ሕኔት ለአይድ መግባር ኤረትሮፕ ዲብ ሶማል ከአፎ ክምሰል ዐለ እምበል አትካራም እግል ሐው ሶማልዩን እግል አትካራይ ለወዴቱ ጅህድ ሚ ክምሰል መሰል እግል አመርት

ምጅልስ አምን እብ ሰበትሉ ኤረትሮፕ እግል መትቃውመት ሶማል ዐሰከርያይት፡ ማልያይት ወሎጂስቲክያይት ሰዳይት ሀበት ለቤለየ ሸክወት ለገብእ ልግበእ እሰባት አው ደሊል እንዴ ኢሉአቀርብቱ ድድ ኤረትሮፕ ቀራር መኔዕ ሓለፈ። ወክሊ አውሰትራልየ ህይ እምበል ለገብእ ልግበእ እሰባት “ኤረትሮፕ እግል ሄራር ሰላም ሶማል ዐንቀፈት” ቤሉ። ሰበት እሊ ዲብ ክምሰል እሊ ቱለል፡ እብ ምጅልስ አምን ሐቱ ሸክወት ሐቀመ መጽኣት፡ እብ ፍንቱይ ህይ ለሸክወት አሰልፍ እብ ዓኒ ወእብ በርናምጅ እብ እዳረት አሚሪክ ለትዳለ ዶል ገብእ፡ መራቅባይ ልእቤ ወልፍቱ እብ ኢከሰሰ፡ ለቀራር ዲብ ፍዕል ወዲሉ ለኢተርፍ ክምቱ ልፍህም ዐሉ። ሰበቡ እብ ገበይ ሐቂቀት መክሐድ፡ እብ ሚሳቅ መዝመት ምጅልስ ቅራን መትዋላይ፡ እብ እወጅ አህዳፍ ምጅልስ አምን መትቀያድ ለልትባህል እግል ናይላ ወቀት ለሀይ እዳረት አሚሪክ ለካርጅም መጋይሰ ትገይሰ ይወሉት። ዲብ ወክድ ለሀይ ለሐቱ ዴማይት መክሐድ፡ “እብሉትፈናተ አግቡይ ተእዩድ ነፈር ድወል ከሲቱ እግል ተእዩዱ እግል ትክሰብ ለኢቀደርክ ጅህት ህይ ገዘ ለአለቡ መግባር ክምሰል ትነሰእ ውድየት” ለልብል ናይ ዋሽንግቶት ወጀህት ነዘር ቱ ለዐለ እሉ። ለሀደፋቱ ህይ እግል አግቡዩ ሰብ ለክልቅ። ወኪል አሚሪክ ዲብ መዝመት ምጅልስ ቅራን ለዐለት ሰፊርት ሰዛን ራይሰ እግል ቀራር ዕልብ 1907 እግል ሓለፎት ለወዴቱ መዋዲት እብሊ ከሰሰ ምር ምን ዲብ ዘበናይ እድንያይ ዐገል ለትከለቀ እሙር ክላሰክያይ አሳሰ ለቡ ጋብእ ሰበት ህሉ፡ እብን ተውዴሕ ለለትሐዝዩ ኢኮን።



እብ ዎሮ ቀልብ እግል ዎሮ ሀደፍ

ወኪል ወኪላት አካባቢ ኤራትሮፊያ ምዴርየት አቅርቦት ላይ ሚጀር ምሰል መሰሉለት መሕበር ወጠን አዋልድ አንሳት ኤራትሮፊያ ምዴርየት ከርከበት አሰይደ ፋጥን አቡብከር ለወደደ መቃብላት ምን ለጨመረው ጸብጥ አወላይ ክፈሉ እተ ሐልፈው ጥብባት ቅዱም ዐለ። እትለ ጥብባት የም ካልእ ወናይ ደንገበ ክፈሉ ልተላላ።

መሕበር ወጠን አዋልድ አንሳት ኤራትሮፊያ አንሳት ሐቀን እንዴ ተሐፈዘ ገርቦን እብ አዳም እንዴ ኢነቅሰ እብ ዓፍየት እግል ልንበረ ልትጸገም። ዎሮ ምን ኢልትረኤ ምሰክነ ለለጀሬ ወገርብ ለለነቅሰ ዓዳት ሀይ ክሸሮ አንሳት። ክሸሮ አንሳት እት ኤራትሮፊያ ምን ሰነት 2007 እንዴ አንበተ እብ ቃትን ምኑዕ። ሳኪን ክሉ ሸብ ተርከዩ ወለዓዳት ምን ኤራትሮፊያ ሰርተ እግል ነበል እተ ለእንቀድር ዲበ ደረጀት ባጽሓም ኢሀሌ። ፋጥን እት ክል እጅትማዓት እግል ሸብ አንሱ ወተብዐ። “እሊ ክሸሮ ዳራይ ክምቱ እት ነአምር። እግልሚ ወለትን ድራር ሰኪን እንወድዩ ወእት እንረኤ እግል ሐርድ ወሞት ነአደብረ ሀሌ።” እንዴ ትብል። ሸብ እግል ልፍዘዕ ከእንዴ አክልሐድ ፈጥን ወአመረ እዴሁ እግል ልርፈዕ ምኑ ተዐልም። ለተዕባይት ፍሬ ክም አምጸኦ ሸክ አለቡ። እግልሚ እተ እጅትማዓት እሊ አርእሰ እሊ አክል ተሀደገ “ሕነ እሊ ዓዳት እሊ በዲር ተረክፍሁ። መደረቱ እብ ሸድዮታት እብ ሰወር ረኤናሁ። እት አንሰነ ወአዋልድህ ሀይ እብ ዐመል ረኤናሁ። እት ክል እጅትመዕ ዶልክ እግልሚ ተሀሩሱ ከተዕባይት ንትሀዩብ” እት ልብል ልትሃይ። አሰይደ ፋጥን። “አማንተ። እሊ ዐድ ፍላን ወለቱ አክሸሰ እንዴ ትብህሉ ለትጸበጠ ርኩብ ኢኩን። ምናተ ሸብ ልብሉ ለሀለ እተ አርድየት አክል ሐድ ክምሰልሃቱ መኢኮን ብሐሱ ለሐዘ” ትብል።

ሀዳይ ምንተሐት ዕምርመ እብ ቃትን ኤራትሮፊያ ምኑዕ ወአጅሐፎት እት ሐቅ አንሳይት ሌጠ እንዴ ኢገብእ። እት በቃዕት ናይሉ ትከውን ዓይሉትም ተእሊር እኩይ እግል ለሀሌ እሉ ለቀድርቱ። መሕበር ወጠን አዋልድ አንሳት ኤራትሮፊያ ሀዳይ ተሐት ዕምር እግል ልትረፍ ዎሮ ምን ዐባዩ መዙ እንዴ ወደዩ ሸቄ። እት ምዴርየት ከርከበት አዋልድ ምን መድረሰት እንዴ አትፋገርከ ዕምረን ሰነት ሀዳይ እንዴ ኢበጽሕ አትሀደየት ልመድ ነብረ። እብ ፍንቱይ እት ብዳውየት ለወለት ተሐት ዕምር ዲብ እንተ እንዴ ተሀዳይት ሰለሰ ሰነት እናሰ እንዴ ኢለኩቱ እተ እት ቤት እመ ትጸኔሕ ነብረት። ፋጥን “ወለትኩም አፎ 15 እት እንተ አትሀዳይኩም ዕምረ ሚ ዶል ተመ። እሊ እግል ሰብ ሞት ወምሰክነ ምን ኢገብእ ራሐት ወደሐን ለቡ ኢኮን” አክል ቴሉም። “ሕነ ዕምረ

እንዴ ኢተምም እናሰ ኢነኩቱ እተ ልቡሉ። እሊ ሀይ ምን አቦታት ወአብዕቦታት ለጸንሐናቱ” እንዴ ልብሉ ሀዳይም ሀዳይ ተሐት ዕምር ክም ኢኮን ልጸገገ ነብረው።

እሰ ሓሳት እሰ እግል ተኩተላሌ ሰበት አለቡ አዋልድ ዋልዳንን ምን መድረሰት እንዴ አፍገረው እግል ኢለትሀድወን ለትራቅብ ለጅነት ፈግረት። ክእነ ለወደው ዋልዳን ክም ልትጃዘው ገብእ። እም ወኡብ ሌጠ እንዴ ኢገብእ ለሐኪም ለመርመረ ኤች ኣይ ቪ ወዴ ወለሼክ ለዐቅድ ወዴመ ምን ጀዘ ክም ኢልድሕኖ ገብእ። ለወለት እግል ትትሀይ ገኡት ምንገብእ ዕምረ 18 ወምኑ ወለዐል እግል ልግበእ ብእቱ። ወእሊ ሸሃደት ሚላድመ ምን አለበ ለከርት ክታብት እግል ልምጸእ ሀሌት እሉ። እሉ እንዴ ረኤው ዕምረ ታምም ክምቱ ሐቀለ አከደውቱ ሐኪም መርመረ ለወዴ ወሼክመ ዐቅድ ለለወዴ።

ተዕሊም ሀይ ፈሀም ሸብ ለለፈይሕ ወእት ሐያት ተቅዩር ሰኪ ለለመጸእ አሳሰ ብነ መዐዩ ምንገብእ ክል ጅነ አንሰ ወተብዐት እግል ልትዐለም ወብረት ተዕሊም እት ክል ቀርየት መድረሰት ትብኔ ሀሌት። ምዴርየት ከርከበትም እብ ለሰትህል ቅያሰ ምንም ኢገብእ አክል ምድር ጸብሐ ዲብ ተዕሊም ትቀደም ሀሌት። ቀደም አዜ እተ ምዴርየት ካልእ ደረጀት ሰበት የዐለት ደረሰ እት ታሰዓይ ክም ሐልፈው እት አቅርደት። አሰማጥ። ፎርቶ ሳወ ለሀለ ቦርዲናት ዲቡ እንዴ ጌሰው እግል ልድረሰ ልትጀበር ዐለው። እትሊ ተሀደገ ቦርዲናት እግል ኢሊጊሰ አጀኒት ብዙሕ መድረሰቱ ለአትካርም ዐለ። አዋልድ ሀይ ኢኮን ቦርዲናት እግል ሊጊሰ ላመ ምግባይት በጸሓህ ኢዐለየ ጃምዐተን ሓምሳይ ፈሰል ዐለት። ዲብ በጥረ ነብረየ። እብ ጅሀድ ናይሉ ትከውነት ለጅነት ወምዲርለ ምዴርየት አሰይድ ዐብደልከሪም እድረሰ ለአዋልድ ምግባይት ደረጀት እግል ለትምመ አንበተየ። ምኑ ወኪን “አዋልድህ አቅርደት አሰማጥ ወፎርቶሳወ ደእንደእ ሕነ” እንዴ ልብሉ ሀይ አዜመ ለአትካራም አተላላ። ለመታክል ኢትባለሐ። ሸክጥት ዋልዳን ክም በዝሐ ለጅነት። እዳራት ምዴርየት። አቅሊም ወውብረት ተዕሊም እንዴ ትፋሀመው እት ከርከበት ናይ ካልእ ደረጀት መድረሰት ቦርዲን ክም ትፈተሕ ገብእት። “አልሐምድለ ምን ቦርዲን ፈተሐት እነ እት ሰኔት ወሰክነ ሰለሰ ወለት 11 ፈሰል እብጹሓም ሀሌነ ወእንሻለህ ሳወ እንዴ ትከረዩ ከእተ ሸበን እንዴ አቅበለየ መሰል ሰኔት ገበእ” ትብል አሰይደ ፋጥም እብ ፍገራት ፋርሐት እት እንተ።

አዜ ቦርዲን እት አፈቱ ማጽኢት ዲብ እንተ ጅናሁ ምን መድረሰት ለአፍገራ። ዋልዳን እመ

ምን ገብእ ወአቡሁ እብ ለጅነት እግል ልትጃዘው ክምቱ ለሸብ እብ ዋዴሕ ክም ለአምሩ ገብእ። ጅነ ተሐት ዕምር ምን መድረሰት ቃይብ ሐቅ ሀለ ለለጅነት ሚተ ለአቄቡቱ እንዴ ታብዐት ሐል ትወዴ ወእተ መድረሰቱ ትብልሱ። እብሉ ለምዴርየት እት ተዕሊም ተቅዩር ዐቢ ርእየት ሀሌት።

ምን ጀሀት ዓፍየት ሀይ አንሳት እትሚ ሓሳት ሀለየ ገብእ? እብ አሳሰ ሐብሬ አሰይደ ፋጥን ዓፍየት እም ወጅነ አውለውየት ምን አውለውያት ወብረት ዓፍየት ሰበት ገብእ። ለመሕበርመ ለበዝሐ ወክዱ ለሀይቡ። እማት ለሀለ ክድሞታት እግል ልትነፈዐ ምኑ ለኢለትካርም ወኢልትባተክ ተዕባይት ወዴ። ምን አመላየት እንዴ ጸበጥክ ረኤሰክ ተሐት ጀሀት ለኩቡቱ አታይ። ሐርናይት። ቲታይ ዳምር። አግማይት። ሼክ ዕመር . . . እትሊ አካናት እሊ ብዝሓት እማት እት መደት ወሊድ መይተ ሀለየ። ለሰብ ሀይ። ለአርድ እግል ልትበጸሕ ሰኪ ሰዱድ ምንገብእ ካሬ እጅትማዓት። ሐብሬ ወአትፋዝያት እግል ልግበእ እለን ኢቀድረ። ምን ዕልም ወሐብሬ ታርፋት ሀለየ። እሊ ባካት እሊ ለመሕበር ዲብ ሐድ አውካድ ክም መናሰበት ዓያድ ለመሰል ዲቡቱ ለበጽሐ። እትሊ መናሰባት እሊመ እሲት እት እጅትመዕ እግል ትሻርክ ክምበ እት ለመድ ናይሉ ሸብ ኢሀሌ። አንሰ ኢኮን ለሰብመ እት እጅትማዕ ኢፈግሮ። ምን ጀሀት ወላደት ሐቱ እሲት መሐጸት ምንገብእ ከሐኪም እግል ለአብጽሕው ቤለው ምንገብእ እት ዐረብየት ኢትጸዐን። ዐራት ዲብ ትረፈዕ። ዲብሉ ዐራት ሀይ በይነ ኢትጸዐን። ሰለሰ አርበዕ እሲት ምሰል ልትጸዐን። ገመል ከፎ ልርፈዐን። ከእብሊ ወእሉ መሰል ለመድ ኤዝያይ እተ ዘገ ለነብረ ብዳዌየትለ እግል ልውለደ ዲብ ሕክምነ ኢመጸኡ። እተ አብያተን ለረደአን ሐኪም ለአለበን ወልደ ወብዝሓት እብ ነዚፍ መይተ። እብ ገዳፍ ወአከይ ሓል ዲብ ሕርሰ እንዴ ኢበጸሐ ለመይተ ዐመሲመ ሀለየ። አማንተ ክል ሓጅት እተ ናይ በዲረ ኢትነብር። እትሊ እያም እሊ ሕክምነ እንዴ ጌሰት ለወልደት እም ናሰ ወጅናህ እብ ሰላመቶም ፈግሮ ልርኡ ሰበት ሀለው አሰክ ሕክምነ እግል ልንድእወን ለአናብቶ ሀለው።

ምን ፍክረ እግል ተአፍግረ ነሳህ ወገበይ ለሐብራሁ። እለን ዐሰር ምንለዐለን ማርሐት መጃሚዕ ሀለየ ወምንለዐል ማርሐት መጃሚዕ መሰሉለት ምዴርየት ናሰ ሀሌት እብሉ አድሕድ እት ሰድየ እግል ሰላመት እም ወውላደ ለወድያሁ አገም ልትዐወት ሀለ።

ለአሰክ ወልደ እት ባክ ዕያደት ለጸነሐ ሰብ ረዩም። እት ኩብድ ሐሽ ናይ መድረሰት አመላይት አብያት ካሬ ንዱቅ እለን ሀለ። መሕገዝ አብያት አለበን። መሕበር ናሱ እግል መድረሰት ሐሽ እንዴ አሸቀ ለመጽንሐ ዐመሲ ወሐራሳት ሀይ እት ኩብድ ሐሽ አንደቀዩ። እቱ እግል ልእተየ ለኢለሐዝያመ አብያት ናሰን እንዴ ነድቀየ ባክ ዕያደት እግል ልሕደረ ቀድረ። ለዐምሳት ክም ወልደት ሕማም አው ድዕፍ ሀለ እተ ምንገብእ ከሕክምነ ባክ ትጽነሕ ቤለው ምንገብእ አንፋር መሕበር ወለብዕዳት ሐዋተን ለተትሐዝየ ሰዳየት እት ወድየ ለዓውናሁ።

እማት አመላየት። ሀማሸድቡ። ሀምባቀጫጭ ወያካሬዕ ለሀለ ክዳማት ሕክምነ ልትነፈዐ እቡ ሰበት ሀለየ እት ከደን ለትወልድ ክም አለበን አሰይደ ፋጥን ተአክድ።

እብ ዓመት እት መናሰባት ዐቢ ወመሀረጃናት ለበዝሐው ሰነን እሊ ምድር ላቶም ብዳውዩት አዋልድም እግል ለአሻራኩን ኢለሐዙ ወኢለፈገረን። አዜ ሳኪን ለምሰሎም ነብር ቀምያት ብዕዳም እት ልርኡ ገሌ ተቅዩር ለአለመጽኡ ሀለው። ምሰል ብዝሓም እንዴ ተሐብርክ ሸቄ ለአለምዶም ለሀለ ብዕድ ጋርመ ሀለ። እት መሸሩዕ ሐርሰ ከርከበት እብ ኬወ (ሀወጃይ) ልትፈረረ ወእት ሸሀር 500 ነቅፈ ወ45 ርብዒት እክል



እብ መሸሩዕ ዐዲ ሃሎ ልትሀየብ ሰበት ሀለየ። ለአዋልድ ፈግረየ። ረአየ ወሰምዐየ። መሕበርመ እግል ልርከበን ወልነዝመን በክት ረክቡ። እማትን ሌጠ ለአገምላሁ ለነብረየ ዐያድ የም ፈድል እል ፍግረት እል እብ ፈኑነን ዐያድ ወጠን ለለአገምላ ሻባት ልትረከበ ሀለየ።

ለአንሳት ምን እሊ መሸሩዕ ሐርሰ ሰለሰ ሓጅት ከሰበየ። ክምሉ ሰብ ተብዕን እንዴ ሸቀየ እብ ለሀለተን እግል ልትደረረ ክም ቀድረ። ምን ቤተን እንዴ ፈግረየ ምሰል አዳም ብዕድ ምን ልትሐብረ አምር ወገለድ ምን ኢገብእ መደረት ክም ኢትረክበን። ምድር ከፎ እንዴ ሐረሰክ እተይ ትረክብ ምኑ ተጃርብ ረክበየ። እት ሰነት 2016 እት መሸሩዕ ሐርሰ ከርከበት ምን ነቅፈ። ገሌብ። ጠሕረ። ወብዕድ አካናት እግል ሐርሰ ለትከረ ሸብ አዋልዱ ምድሩ ለዐምር ሰበት ረአየ ምን ድራረት ላሊ እት ዐማር ዳይም እግል ልፈክረ አንበተየ። ሕዳትመ ምንተን እተ መሕበር ለልትነዝማመ ትረከበየ። እለንተን ሀይ ለእግል ጂል ሓር ገበይ ለፈተሐ። ለወለቶም ከደን እንዴ ፈግረት እንዴ ተዐለመት ልግበእ ወእንዴ ሸቄት እብ ደሐነ ተአቀብሎም ለአምሰሎ ለይዐለው ዋልዳንመ። መፈዐት ዕልም ወሸቅል ናሶም ልርእወ ሀለው።

እት ደንገበ አሰይደ ፋጥን ለእት መዳርሰ ሀለየ አዋልድ እግል ኢለትካርመ ወብረት ተዕሊም። መሕበር አንሳት ወብዕዳም ሕሱራም እግል ለትናየተን። አካን ክም ጸብጠ እግል ሊደወን ተሐሰበት። “እለን ሰነ። ተዐለመየ። ረሐን ረፍዐየ ወመጀተመዐን ከድመየ ምን ገብእ። ለግራሀን መጸኦ መድረሰት ናሰን እግል ልሕዝያቱ” ሀይ ትብ።



ሀጅክ ምሰል መመቅረሖት ወዋቅያም ሐረሰቶት ዐማር ተመር (2ኛ ወናይ ደንጎበ ክፋል)



አሰይድ ሙሴ ፍቃዱ

ምነ ተሀቦበ ድሩሰ እዳረት ሐርሰ ተመር ምን እንረኤ፡ ኦዳቃል፡ ኦትባዘሖት፡ ኦትባይኦት፡ ኦትባይት ልጽሖ ዕጩይ ተመር፡ ተደብረት ኦትባይት ማይ፡ ኦትባይት፡ ቀረጫት፡ እዳረት ቀመጅል ተመር፡ ሐዩቦት እተይ ተመር፡ ክምሰልሁመ ሐቆ ኦሪ ተመር ለገብእ ኦትባይት ብዘሕ ቱ፡ እሊ ተእሂላት እሊ፡ ዲመ እት ልትዝም ሰልኦተላሌ እንድኦኦትን፡ እብ ሐቱ ዶል ሰልኦኦትም ኦትን።

ተመር እብ ዓመት ናይ እጅጉማዕየት፡ እቅትላይ፡ ኦትባይት ወዓፍየት ሐዘቱ እብ ቀላል ለትትረኤ ኦትን። ዕጩይ ተመር፡ እግል ሰኖታት ረዩም ሰልኦተላሌ እተይ ሰበት ልትጃቀፍ ምነ፡ “እም-ዕጩይ” ለትብል ክናየት ትትሀቦ። ፍሬሀ ህይ፡ እብ ቅዘእሁ ስኒ ሕሩይ ቱ። ተመር ነብረ ስኒ ዋዕም ቱ። እት ድወል ብዘሕ ክም ሰልፋይት ሙንት ልትዝሕ። “ሴፊ መትባይት ገበይ ረያም” ለትብል ሰሚት ምን ልተምበልመ ግድም፡ ዘበናት እድወር ሀሌ፡ ነብረ ዓፍየት እንዲ ትበሀላመ ልትሰሚ።

እግል ገርሀት ለልሀይቡ መናፍቆት ስኒ ብዘሕ ቱ። ዕጩይ ተመር እት ሕፍዘት ትርበት ወማይ መቅደረት ውቅል ቡ። እት ሐልፊ ሰኖታት፡ እሊ መናሁም እሊ ዲብ ሐረሰቶት ስኒ እት ሰብቅ ወልትኦመር መጽኦ። ለምን ቀዳምም እት ሐርሰ ተመር እንዲ ትከሰኦ ለሽግግው እቱ ሰልፋይም ሐረሰቶት፡ ለትሰጃዕ ፍገራት ራክባም ህለው። እት ሰነት 2020 እብ ደረጃት ዐለም ዲብ ኦትባይት-እማራት እት ገብእ ሙንተደ ኦት ሲምግዘም ተመር፡ ኤራትርየ ክም ሐቱ ምን መናርየት ለልትብሀሰ ድወል ተኦመረት እቡ።

እት መናሰበት ለሀ፡ ኤራትርየ ሰቀደመቱ ክቱብ በሐሰ ወመናሁም ክም ኦትን እንዲ ትከሰኦ፡ ኤራትርየ 41ይት ደውሉት ምን መናርየት ተመር ድወል እንዲ ገብኦት ክም ትሰጃለት አሰይድ ሙሴ ሐበራ።

እት ሐልፊየ ሰባዕ ሰነት፡ ውሳኔት ሐርሰ ወመንያይ መሸርዕ ሐርሰ ተመር እግል ልትሰረ ካድም ትሩድ ትወዲ ጸንሖት። ምሰል ለትፈናተው ሸረካህ፡ እብ ፍንቱይ እድንያይ መርከዝ ዐማር ሐርሰ (IFAD)፡ እድንያይት መዝመት ነብረ ወሐርሰ (FAO)፡ ክምሰልሁመ ምሰል ስታቲብ ዐማር መዝመት መጅልስ ቅራን (UNDP) እት ትትላዩ፡ ለትፈናተ በራምጅ ወዲት። ውቅል በዐል መቅደረት ዐማር ተመር ደክተር

ዐብደላ በን ዐብደላ፡ እሊ መሸርዕ ዲብ ዋለቶት ካድም ዛይድ ክም ኦት፡ አሰይድ ሙሴ ልሸህድ እሊ።

“እዜ፡ ሐርሰ ተመር እት ለበዘሐ ድዋራት ኦትባይት ቅብለት ወግብለት በሐር ቀየሕ እሰሕቡብ ሀሌ። ኦትን እሊ እሊ መሸርዕ ተመር 99 ምእታይት እት ክልኦት እሊም ኦትባይት እንዲ ኦትንበ ልሂርር ሀሌ። እት ኦትባይት በሐር-ቀየሕ እት ድዋራት ኦትባይት፡ ዐሰብ ወግብለት ደንካልየ ክረ ረሐይቱ፡ እት ኦትባይት በሐር ቀየሕ ህይ፡ እት ድዋራት ፎር፡ ኦትባይት፡ ሸዕብ፡ ባጽዕ ወገሕቱላይ ለትሸተለ ዕጩይ-ተመር ተጠውር ስኒ እርኡይ ሀሌ። እት ረከሰለ እብ ውሳኔት ሐርሰ እብ በቢ ትወድዩ ለጸንሖት ኦትባይት፡ እት ኦትባይት ኦትባይት ድፊዕ እትሊ መሸርዕ እሊ ለኦግደወ ደር ውቅል ዐለ” ወሰክ አሰይድ ሙሴ።

እብ ክሰብ ተሐድያት ሐረሰቶት ተመር እት ቀደምናሁ እቱ ሰኦል አሰይድ ሙሴ፡ ለተሐድያት ቀለል ክም ኦትን፡ ቅድየት እዳረት ማይ ህይ ምን ሰልፋይ ጋራት ክም ተ እት ለኦበርህ፡ “ ሳፍየት እዳረት ማይ፡ ዝያደት እት ሐርሰ ተመር ኦትባይት ውቅል ቡ። ማይ ለልትከሰስ ምንክ ርዘቅ ጠቢዐት ቱ። ዕጩይ-ተመር ህይ ዝያድ ሰብዕ ሰነት ዕምር ለበ ዕጩይ ቱ። ሰበት እሊ፡ ሐረሰቶት ለም ቱ ኦትባይት ማይ፡ እብ ሸቀን እግል ልትንፍየ እቡ ሰም። ‘ማይ ብዘሕ ሀሌ እግል’ እንዲ ትቤ ኦትባይት፡ ሐራ ምሸክላቱ ቀላል ክም ኦትን ምን ተጃርብ ናይ ለትፈናተየ ድወል እግል ንድረስ እንቀድር።



ዕጩይ ተመር

ሸቀየት ልግበእ ወኦንደዶትም ግሪ እሊ እግል ንሕሰብ ዲብ ኦትባይት፡ ሰበት እሊ፡ መትንፊዕ ጣቀት ጸኡይ ዎርት ምን እት ፍዕል እግል ልውዐል ለወጅቡ ሕርያናት ቱ። ዲብ እግል ልትደለሎ ህይ ፍክር ክህይዳም። እትሊም ምን ገብእ ኦትባይት ብቆዕ እግል ልርከቦ ልትወረጦ ህለው” ልብል።

እብ ሰበት ገሌ ምን ብገንግም ለህለው ወእግል ምስተቅብል ሕሰባም ለህለው በራምጅ እሊ ወጠንያይ መሸርዕ እት ሸራሕ አሰይድ ሙሴ፡ እሊ ተሌ ተውዴሕ ለህይቡ።

ጠወርት መቅደረት ምህን፡ ቁድረት ናይ ለትፈናተ መጃላት ሐርሰ እትሊ መሸርዕ ተመር ክም ሻርት ውድየት፡ ቅድረት መራክዝ ሸቲል ጠወርት ወኦኦት፡ ለእግል

እግል ልትከሰት፡ ዲብ ድዋራት ገሕቱላይ ኦትን እንዲ ትፈንቱት እሊ ተክጠጥ ርሰም እሊ ሀሌ። ሐራ እት እድንያይት ዐግገ ጀላብ እግል ለዐዲ፡ ምን ናይ ኦትባይት ኦትባይት ናይ ተዕሸገት ውቅይ ለገብእ እቱ፡ ወናይ ተብሪድ መክዘንመ ለሸምል መሰነዕ እግል ልትወተድ ቱ በርናምጅ ጽቡብ ለሀሌ። እሊ መሰነዕ እሊ እት ለሸፍን ወክድ እግል ልትመም ወክድመቱ ለኦንብት ቱ ለሰታት። እሊ ክም ትሸቀ፡ ተእሲር ስኒ እግል ለሀሌ እሊ ቱ” ልብል።

“እብ ግዕባብ፡ ሐርሰ ተመር እብ ዕጽፋት ሸክሎ እግል ልውሰዕ፡ ኦትባይት ኦትባይት ናይላ ኦትባይት ተመር ዝያደት እግል ንጠውሩ ቱ። እብ ብሐሰ ቲሹታት ለበቅለ ኦትባይት ተመር ለዐውሎ ስኒ ቃሊ ቱ። ዐውል

ገበይ እሊ እግል ኒጊስ ለልትቀደር ኦትን። ተክሊፍ ለነኦውሕድ እቡ ኦትባይት ሸቅል እግል ኦትባይት ወጅቡ።

መሰለን፡ ዎር ሐረሰታይ ምን ክም እሊ ለመሰል ዕጩይ 1000 ሸትላት ዶል ነሰኦ፡ እት ቀበት ኦትባይት ሰነት፡ ኦትባይት ሸቲል ለልሀይብ እቡ በሰር እቱ እግል ንጅቡ፡ ቱ። እብ ወሰት-ገበይ፡ ደፊዕ እቱ ህለ በሀሉት ቱ። እሊ በሰር ወዲን ምን ገብእ፡ ለህለ እግልን መራክዝ ሸቲል እብ ወጅዶትላ ብቅል ተመር እግል ልትረዘቅ ቱ።

ለተክሊፍመ እግል ልደበእ ቀድር። እሊ፡ ኦትባይት መቅደረት ምህን ናይላ ሐረሰቶት እግል ትትወቅል፡ ወዐደድ ናይላ እትሊ መጃል ሐርሰ ተመር ለልትከሰኦ መዋሂን ክም በርክት



ሕነ እግል ሐረሰቶት፡ ናይ ቅጠር ግም ረይ እግል ልትንፍየ ወዝያደት እግል ሙስተቅብል እግል ልትሰባ ቱ ለእንመክርም። እትላ መደት ጎን ላኪን፡ እግል እሊ ግም መሰኖ ለገብእ ኦትባይት ኦትባይት። እሊ እግል ኖሱ ተሐዲ ዐቢ ቱ። ምሰሎ ለገይሰ ናይ ጣቀት (ብትርል) ሕዲና ቱ። እብ ብትርል

ሐረሰቶት ወሰብ መቅደረት ልትዝም ለዐለ ተእሂል ወድሩሰ እብ ሸፋቀት ክም ለኦተላሌ ውድየት፡ ክምሰልሁመ እት ለሐጭረ ወቅት ዐቢ መሰነዕ ተዕሸገት ወክዘናት ተመር ኦትባይት። ምሰል ተዕሸግ ተመር እብ ልትጸበጥ ህይ አሰይድ ሙሴ፡ “ ኩሎ ለወራታት ለልታመም እቱ መሰነዕ ተመር ዐቢ

ሐቱ ዕጩይ ዝያድ 38 ዶላር ኦትባይት በኤሕ፡ ተክሊፍ ኦትባይት ወዲብ መርከዝ ሸቲል ለገብእ እሊ ራዕዮት እት ሐሳብ እንዲ ኦትባይት፡ ለዐውል ዝያደት ክም ቀሌ ወድዩ። እት ዐድኑ፡ እግል ሐረሰቶት እብ ለሃቱ ልትወዘዕ ለጸንሖት። እት ሙስተቅብል ላኪን እብለ

እግል ልግበእ፡ እግል ንትንፊዕ እቡ ሐሰባም ለህሌን በሰር ሸቅል ቱ” እት ልብል ተውድሐ ለኦተምም እት ወጠንያይ መርከዝ ብሐሰ ሐርሰ ሐልሐሌ፡ መሰኦል ውሕደት ዕሎም ቲክናሎጂ ሕያያም ወመመቅረሓይ መሸርዕ ሐርሰ ተመር፡ አሰይድ ሙሴ ፍቃዱ።

እብ ውሳኔት ሐርሰ ሰልፋይት ግመድ

ወድ አዳም እሳት ልምድ

ሸባብ

ነጃት 0-ሰማን



ክሉ ሽቃላይ ቱ

ዶል ዶል ታሪክ መይት ልትብህል። እሊ ሰብ እሊ ህይ እብ ሰበትሉ ሐልፈ ወቅት ወቀዳምያም አንፋር ዲብ እዲነ ለኢህለው ሰበት ለሓኔ ቱ። ታሪክ ላኪን እግል ዲመ ነብር ዲብ ኢኮን ኢመትይ። አምበል እሊመ ታሪክ ብዙኸ እግል ለአትአምረነ ክም ቀድር መኤምረት ሸርሐ። ክም መሰል ዶል እንረኤ። ታሪክ ወጠን። ታሪክ ሸባብ። ዓዳት። ወታሪክ ብዕዳት ድወል እግል ነአምር እቡ እንቀድር።

ታሪክ ዲብ ዓዳትን ወሀላየትናቱ ለልተንኩብ። መትመራምረት እግል ታሪክ ክም ናይ ሐቱ መጅመ-ዐት መናበረት ናሰአሙቶም። ክም ለመድ፡ ሉቀት፡ ሕሸምታት ወነባሪ እንዲ ነሰአወ ለአትአምረቡ። እግል መሰል፡ ክም መናሰበት ህዳይ፡ ዓደት ቀብር እብ ታሪክ ወሕሸመት ለተለ አግቡይ ገብእ እሉ። ናይ ሐቱ ደውለት ሀደፍ ህይ ኦሮት ገብእ። ታሪክ ህይ ዲብ ክለ ዐለም እብ ህለው አፍረዐት ወቀቀኒን ሕኩመት ገብእ።

ከዲብ እሊ እዲነ ክል አምዕል፡ ወሬኸ ወሰነት ከናየ ፍንቱይ ታሪክ ህለ እግል። ዲብ አምዳላት ወሬኸ ማየ ለህለ ታሪክ ብዙኸ ቱ። ከዲብ የም ሐቱ ወሬኸ ማየ እግል ንህደግ ቱ። ክመ ትዘከር የም ሐቱ ወሬኸ ማየ ናየ ታሪክ ወሕሸመት ህለ እግል። ሚ እግል ቱበል ተሐዜ ህሌት ትብሎ ትገብእ። አቤ፡ እሊ አምዕል እሊ ብዕድ ታሪክመ እግል ለህሌ እግል ቀድር፡ እነ ላኪን እብ ክሰብ አምዕል ሸቃላ እግል እትሃይ ምን ሐዜኮ ቱ።

እሊ አምዕል እሊ፡ ዲብ ክለ ዐለም አምዕል ሸቃላ (workers day) እንዲ ትብህለት ለትትአመር ፍንቱት አምዕል ቱ። እብ ደረጃት ወጠን ወዐለም ትትዐየድ። ገሌ ድወል ክም መናሰበት ዲድ ለሐሰበ ወክል ኦሮት ክምን ሸቅሎ ለዓርፍ ዲቤ ወገሌመ ምን አጅል ሕሸመተ እግል ሸቅሎም ሕሸመት እንዲ ቤለው። ዲብ ሸቀ እብ ነደረት ለዐየደ።

ክመ ልትብህል ሸቅል ሕሸመት ቱ፡ ለኢሸቀ ኢበልዕ ወለ ኢበልዓመ እግል ልንበር ወልሸቀ ኢቀድር። ዲብ እሊ እዲነ ህይ ክል ኦሮት ከእብ ጀህቱ እብ ድራሩ እግል ልዲር እብ እሊ መልክ ቅድረት ዲብ አሸቃል መትፈራር ለልምድት መንበረት ሐዳት መክሎቅተ ቱ። አሰክ ነአይሸ ሐዳት እንዲ ኢተርፍ ክል ኦሮት ከእብ በሰሩ እግል ምዲሸቱ ልትፈረር። እሊ በህለት ክሉ ዲብ ምለዐል እዲነ ለህለ ሸቃላይ ክምቱ ለተአወዳሕ እግልን ንቅጠት ቱ። ለአርእሰ መክቱብዬ ክሉ ሸቃላይቱ ለልብልቱ። ለሀደፍ ናየ ሸቅል ኦሮት ቱ። እብ ኮፎ እንዲ ሸቀክ ዲብ እሊ እዲነ እብ ሕሸመት ክም ነብር ሌግ ቱ። እንዲ ዲብ ፍንጌ ዕጹም ወህኩይ ለህለ ፈርግ እግል ንርኤ። ለዕጹም ነፈር ዲመ ራክብ ወርዮሕ እብ ማሉ ወዳሩ ዲብ እንቱ ነብር ወሕሸም፡ እብ ክሉ ምጅተመዕ ፍቱይ ወአካትመ እምር ቱ።

ለህኩይ ነፈር ዲመ ምን እዲ ጸሩ ዲብ ልትጸበር ወለአኖኬ የም ሀይቡኒ ሚ ፈጅር ዲብ ልብል ለትብርቱ። ሕሸመቱም ዲብ ምጅተመዕ ሰኒ ድህርት ወሐዊት ቱ። ደለ ዲቡ መጽእ እግል ልሕዜ ምንዬቱ ልብል ክለህርብ ምን፡ ህቱመ ትንክባሁ ዲብ ርሐ ሰበት ኢኮን ዲመ ዲብ ህመም ወአትሓማቅ ነፍሰ ሌጠ ልትፈረር። ነፍሱ ክም ድህርት ወምተሐት ሰናቱ ለሐሰቡ። መጸባር ምን እዲ ብዕዳም አከይ ለመድ ወሕውውነ ሰበት ገአ ህይ፡ ዲመ መንበረት ሐን ሕግላን ክምቱ እግል ነአምር ህሌት እግልን።

ሸባን ኤረትርየ አንሰም ወተብዐቶም እንዲ ኢፈንቱ። እብ መዐጸም ወፈተ ሸቅል እመራም ቶም። ፍቱ ሸቅል ወመዐጸም ኦሮት ምን ነባሪ ሸባብ ኤረትርየቱ። ምን ሐረሰ እሊቱ ካልአይ ወዕለ ፊራር ገማል እቅትሳድ እት ዐድነ ኤረትርየ ዲብ የም 17 ወ18 ወሬኸ 12 ሰነት 2012 ምን 26 ድወል ለመጸው 350 ሕሰራም አንፋር ምንላ ትፈናተ ድወል እንዲ መጽአው ሸሩካም እቱ ክም ዐለው ለልዘከር ቱ።

ምን ሐረሰ እሊ ቱ ለዐድነ ኤረትርየ ዲብ ክለ ዐለም እብ መሰል ሰኔት ትትዘከር ለህሌት። ናየ ሐልፈ ታሪክ ወውሕደት ሸባብ ኤረትርየ ዲብ ልትዐቀብ ወእግል መጽእ ጂል ዲብ ልትቀረስ ጻኔኸ ዐለ ወሀሊ። እሊ ናሱ እግል ለዐውተነ ለቀድረ ምህም ስታት ሕኩመት ወሸባብ ቱ። ከሸባብ ወሕኩመት እብ ኦሮት ሀደፍ ንሰ ምን ገቢእ ለእሊ ለሐዜ መርሐለት ክም በጽሕ ሸክ ለአለበ አማን ቱ።

ዓማት፡ ሐዳስ ኤርትራ



እብ ሰበት ቀዳምያም ውላድ አዳም ምን ቅደስ ወለዐል ሐድ አምር ቱ ለህለ እግልን። ሰበቡ ለገአ ወሳይቅ እብ ክቱብ ሰበት ኢሐድገው እግልን። ለትከተብ ወሳይቅ ታሪክ ውላድ አዳም ምን ሐልፈየ 5,000 ሰናታት ሌጠ አንበተ። ለምን ቅደስ ወለዐል እግል ረዩም ወቅት ናይ ቀደም ክቱብ ወሳይቅ ህቱመ ታሪክ እንዲ ትብህለ ልትአመር። ለሬመ ወቅት ዲብ ታሪክ ውላድ አዳም፡ “ወቅት እበነት” እንዲ ትብህላቱ ለልትአመር። ለወቅት ለሀይ ዘበን እበነት እንዲ ትብህለ ለልትሰሚቡ ለዐለ ሰብ ህይ፡ መሸቀዩም ምን እበን እብ ግብአቱ ቱ። እሉም ቀዳምያም መትመራምረት ወቅቶም ወህቶም እግል አጅያል የም ክም መንፈዐት አለም እግል ንንሰአም አለብን።

እግል በክትን፡ እሉም ቀዳምያም መትመራምረት እተ እሊ ንሰው፡ እግልን ለነፈዕ ለትፈናተ ኦሳር ሰበት ሐድገው እግልን። ለህቶም ሐድገው እግልን ኦሳር ዲብለ ትፈናተ አብያት መትሐፍ ወዲብ እመር አካናት እብ ብዘሓም ቤጽሐት ሰያሐት፡ ክም ኔዋት ልትወረድ ህሌ። ለምን እበን ልትሸቀ “አቢሲድያን” ለልትብህል ፍገሪቱ እሳት ለገአት ወክም ግዛዝ ለመሰል ክም ሰኪን ወብዕድ ለአበልሐቡ ለዐለው መሸቀዩመ

ክም ዐለ ልትሀደግ። ሐቆ እሊመ መሸቀዩ፡ ናይ እደይ ክም ከረ መሳር ወፋሰ እንዲ ልትጠወሮ መጽአው። ወእብሊ ዲብ ለዐል ለሀደግናህ፡ ውላድ አዳም እሳት እግል ልምሀዞ ቀድረው። እት ታሪክ ወድ አዳም ኦሮት ምን ምን ቅደስ ወለዐለ ምሀዞታት፡ ምሀዞ እሳት ቱ። ቀዳምያም ውላድ አዳም ምን ብዘሓም ሐዋናት ፈርህ ሰበት ዐለው፡ እሳት ለብእቱ መረዋ ጸብጦ ከገይሶ ክም ዐለውመ ለታሪክ ለሀደግ።

ዲብ ገሌ አውቃትመ እሳት እግል ገርብ ሐፋነት ክም ተሀይብ እንዲ አመረው፡ ዲብ መንፈዐቶም ክም ለአውዑለ ወደው። እምበል እሊመ እሳት፡ ዲብ በዐት እንዲ አቱክ ረዩም ወቅት እግል ትጽኒሕ ክም ቀድር በሰር ሐዲስ መሀዘው። ነብረ እብ እሳት ክም በሸልመ እብሎም ናይ በዲር መትመራምረት ክም ተአመረ ልትሀደግ።

አትሓየሶት መሸቀዩ


ናይ እበን መሸቀዩ ወለ ኔፍዓይመ ምን ገብእ፡ እበን ላኪን እብ ቀለል ሰበት ልትሰበር፡ ብዕድ መሸቀዩ እግል ልምሀዞ እግል ልባሰር አንበተው። አወል መረት ወርቅ (ኑሓስ) እግል ልትነፈሶ አንበተው ወሐቆ እሊመ ነሓስ ወገሌ አንዋዕ ምን ትናክ እንዲ ካበረው ክም ሸቀው፡ ምን ናይ

በዲር ለተረደ ገብእ፡ ዲብ ሐሰት ደረጃት ህይ በጽሐው። ምን ቀደም 3,000 ሰነት ቅደስ 2,000 ሰናታት አሰራዲ ለልትብህል ናይ ጽዋር መሸቀዩ ሐዲን ትሸቀ።

ምን እሊ ወድ አዳም እግል መንፈዐቱ ወምዲሸቱ ለኢወደዩ በሰር ክም ኢህሌ፡ ምን እሊ ዲብ ለዐል ለእንቤሉ አክልሕድ ወዳሕ። በሰር ወምሀዞ ወድ አዳም የም እንዲ ኢገብእ ምን ቀደም አላፍ ሰናታት ክም ዐለ ልትአከድ እግልን። ናይ የም በሰር፡ ምሀዞ ወሰናዕት ላኪን እብ አግቡይ ቱፍሎጂ ወዕልም ለተለ ሰበት ገአ፡ ዝያድ ዲብ ልትጠወር ወዐቦት ዲብ ለአርኤ መጽእ ህሌ። ናይ የም ሸባብ ናይ ብዙኸ ምህፍታት መቅደረት እንዲ መልከው፡ ዲብ ቀበት ዐድ ወካርጅ ነፍሶም እንዲ ቀድረው፡ እግል ዐዶም ወወጠኖም ጋብአም እቱ ለህለው ወቅት ባጽሓም ህሌን። ምህነት ህይ ናይ ሐንገል ሸሃደት ሰበት ገአት፡ እተ እሊ ንሰነ ምሰልን ለትነብርቱ። ምህነት ዝያድ ክሉ እግል ልጠወር ገብእ ምን ገቢእ እብ ድራሰት እግል ትግብእ ህለ እሉ። እትሊ የም ለህሌናሁ ወቅት ምህነት ለለአደርሰ ብዘሓት መዳርሰ ህለየ ወብዘሓም ሰብ ምህናት አፍረየ። ክመ ልትብህል ምህነት ሰላዲ እት ጂብተ ልብሎ፡ ከሰበት እሊ እት ምህነት መትሐሳር ወመተራድ ለአትሐዜነ ክም ህለ ኢንትረሰዕ።

ምህነት እብ መሸቀዩ ተ ለትሸቀ። እሊ መሸቀዩ እሊ ናይ ሕኩመት፡ ናይ መአሰሳት ወናይ አፍራድ እብ ራትዕ አግቡይ ክም ልትጸበዋ ዶል እንወዴ፡ ክድመት ረያም እግል ለሀበነ ቀድር። ገሌ አንፋር እብ እሉ ሸቀ አላት ኢመትሐሳር ለአርኤ ወፈጅር ዲብ እሊ ሸቀ መደረት ናይ ከሳር ዐፍሸ ወማል ተሐሰል ወእክትላፍ ምሰል መሰኡሊን መጽእ፡ ከሰበት እሊ እተ ትትሀየበን መሰኡልየት ንትሓፈገዘ።

ዓማት፡ ክታብ ናይ ዐለም ታሪክ



ሐዘን ወግርመት

11^ይ ክፈለ

ኬትባይ = ያሱናሪ

ተርጀመት = የሰዓት እድራሰ አሜር

ኡኪ እግል ርዋዩቱ “ወለት ዐስር ስለ ሰነት ሸንብሬቦት” ለልብል አርእስ ሀብዩ። እሊ ህዬ ቡዙሕ ምህዞ ለአለቡ እቱ ዓዲ አርእስ ቱ። ለአዳም ላኪን ምን ቅያሰ ወለዐል ለአስተቅርቦ ዐለው። ወለት ዐስር ስለ ሰነት እብ ከፎ በዐል ሻም ትወዳ። ወቀደም ሐኒ ጀነ ትወልድ። ወእግል ገሌ ወቅት ትትዐየን። ህቱ እሊ ክታብ እት ከትብ አዳም እግል ለአትዐጅብ ሓሰብ የዐለ። እት ክምሰልሁም እግል ኡቱኩ ዓማት ዐጃደብ ወምሰተንክር ሓሰብ የዐለ። ከክመ አርእስላ ክታብ ዓዲ ለዐለዩ። መግጽሕል ኬትባይም ተወክ ኢዐለት እቱ። እግል ኡቱኩ ክም ሸንብሬቦት ላጽሐት ወፈታይት እንዴ ወደ ሰወረዶ። ገጸ ወብዋረተ ወሐረከተ እግል ልውሰፍ ጀረቡ። ወእብ ሐቱ ዘዐት እግል ርዋዩት። ርዋዩትላ ሻምላ ሸበት አልበሰዩ። ከላክታብ አሰክ እሊ። እሊ ከሉ ዐውቱ እሊ እግል ልርከብ እቡ ለቀድረ ሰብብ ኢሊቱ። ለላክትሐዘን ሻም ናይ ሸንብሬቦት ድንግል። ወአሰክ እሊ ምሰል ሸበቱ ለሀለ እናስ ላኪን ሃዲ ወበዐል ፈረዕ ላቱ እናሰ። ኡኪ ግርመት እሊ ሻም እግል ልሰውር ሰኒ ሕሳብ ዋዲ እሉ ዐለ። ምናተ እግል ነዋሐ ለኩልቅት ወለ አክላቅዩት ሀመለዩን ወእት ወግም የኣተዩን።

እት እዋን ለእብ ሕብዕ ልትራከቦ እቱ ዐለው። ኡቱኩ እግል ኡኪ ክምእነ ብህለቱ ዐለት።

- እንት ኦሮት ምነ ሰብ ለተብዕን ለዳኦምን አዳም ሚልብሊኒ ለሀሌ ገብእ ለልብሎ እንተ። ምን እሊ ወኪን እግል ትሕጠር ወትትሸጀዕ ወጅቡ።

- እግል ርሕዬ ብዙሕ ወሰወሰት ለኢትወዳ ሸክሰዩት ትመሰል እቼ ዐለት። አሰክ እሊ ዲብ እሊ ጸር እሊ ለኢብጽሐት እመሰል እትኪ ህሌት?

- ኢፋሎ፡ ለመሰከለት እብ ክልኢትነ ለትትዐለቅ ኢትን። እንት እትለገብለት ትግበእ ጋሪት። ምን እሊ ወኪን እግል ትሕጠር ትምሰል ወጅወቡ።

ኡኪ ለእሊ በልሰ ትቀዌት እቱ። ትም እት ልብል እት ርሐ ኣቅበለ። ወሐቆ እሊ ከሉ ሰዮታት እሊ ህግዩ ናይ ኡቱኩ ኢትረሰዐዩ። እሊ ወለት ዐስር ስለ ሰነት ሰበት ፈቱቱ ቱ ለዐደድ እሊ እግል ሸክሰዩቱ ወሐዶቱ እግል ትቅረኒ ለቀድረት እት ልብል ሐሰቡ። እግል ወቅት ረዩም። ኡኪ እት ሐሰብ መዛጃ ወጽንዲናሁ ልትሰረፍ ዐለ። ሐር ላኪን ሐቆ ምሰል ኡቱኩ ትፋናተ። ክለ ኢህምየት ረኢይ ብዕዳም ኡትሐዘዩት ከላህግዶ ኡቱኩ ፈቅድ ዐለ። ወለ ዛዖታት ለሀይ እት በልሰ እቱ እት ቀደሚሁ ትትካዩል እሉ

ዐለት። ኡኪ ደኣል ምሰል ኡቱኩ ኣዘመ ምነ። እሊ ህዬ እብ ሰብብል እሊ ቱለቱ ህግዩ ክምቱ ዶል መሰለ ዲቡ ትም እት ትብል ለረኣሰ እት ዐቃሊትላ እዲሁ እንዴ ኡቱኩ ከእብ ንክሸት ሸሸናብ ገብአት እቱ። ወዶል ከሰኒ ወአማን ትክክሽ ዐለት። ኡኪ ላኪን እግል መጸጸት ተሐመለዩ። ሐራም ዲቡተ ወላማ ኢሐመጣመ። ላማ አናብዕ ኡቱኩ እት እዲሁ እት ልትቃጠር ልሸዕር እቡ ዐለ።

ከክምእነ ቤለዩ፡- “እንቲ ተአመጸኒ ህሌኪ! ወእበ ጭገረ እንዴ ነጩዩ ከምነ ርሐ ኬን ደረከዩ። ለአሰር አንዶብ ኡቱኩ እት እዲሁ እብ አደሚት ፈሸ ልብል ዐለ። ኡቱኩ እግል አደማዩ ምነ ጸልዕ እንዴ ለሐሰቱ። “እንታማ ንክሸኒ” ቱለቱ። ኡኪ እግል እዲሁ እንዴ አቅመተዩ ከምነ ፎቃዩ አሰክሰ አጩብንተ ጣሰሰዩ። አሰክእሊ እዲተት ሸንብሬቦት



ዐለት። ኡኪ እት እዲተተ ዶል ሰዐመዩ ምንክትርላ ትሰመዐያህ ጠዐመት ወፈርሐት እት ትትለዋሌ አንበተት።

ኡኪ እግል እሊ ርዋዩቱ “ወለት ዐስር ስለ ሰነት ሸንብሬቦት” ከትብ እት ህሌ። እብ ሰብብ ኡቱኩ ለቤለቱቱ። “እንት እት ለገብእ ልግበእ ጋር ምን እሊ ወኪን ርሕክ እግል ትምሰል ብእትክ” ኢትን። ህቱ እግል እሊን ከልማት እሊን እት ከትብ ቱ ለፈቅደዩን። ለርዋዩት ሐቆ መትፈናታዮም እብ ክልኤ ሰነት ትክሸረት። ኡቱኩ እት ክዩቶ ምሰል እመ ትነብር ዐለት። ወእምበል ሸክ ህታ ቶክዩ እንዴ ሐድግት አሰክ ክዩቶ ለክሰት እቡ ሰብብ ኡኪ ወለተ እግል ልህዴ ምን ትሰለላቱ በሊሰ ሰበት ኢህበዶቱ። ወእምበል ሸክ አሰክ እሊ ሐሩቀተ ወሐዘን እክልሰት የዐለት። እት ክምሰልሁም ሐሩቀት ወሐዘን ለሐቱ ወሌተተ። ዲብ ክዩቶ ዲብ እንተን። እሊ ርዋዩት ለበጠለተ ኡቱኩ ዐለት ዶል ቀርኣዩ ሚገብእ ብህላት ለዐልዶ። ለርዋዩት ለእግል ኡኪ ምን ቅያሰ ወለዐል መሸሁር ለወዳት ወቁርኣተ ምን አምዕል እት አምዕል እት ወሰኮ ገይሶ ለዐለው?

ኦሮትመ እግል ሸክሰዩት ለካትብ

ክም ነመውደጅ ለነሰአዩ እግል ልክሸፍ ለሰተተ የዐለ። ላኪን ኡኪ ወድ ሕምሰ ሰነት እት በጽሐ እቱ ወቅት። ወእርት ምነ አግደ እመራም ኬትብት እት ገብአ እቱ እዋን። አዳም እብ ቀዳሚቱ እት ልትሐሰር አንበተው። ወእግል ኡቱኩ ምሰለ በጠለት ናይ “ወለት ዐስር ስለ ሰነት ሸንብሬቦት” እት ለአትመጣወረ አንበተው። እት ወቅት ለሀይ እም ኡቱኩ ማይተት ዐለት። ወኡቱኩ እምርት ረሳሚት ክም ገብአት ለመትማላላን ሰኒ ወአማን ባይን ገብአ። ምን እሊ ወኪን ሰወረ እት መጀላት ትክሸረ። ወእት ሐንቱሁ “በጠለት ወለት ዐስር ስለ ሰነት ሸንብሬቦት” ክቱብ እቱ ዐለ። ኡኪ ኡቱኩ ክም በጠለት ናይ ለክታብ እንዴ ገብአት እግል ትትሰወር ጠለብ እት ትቀደመ ዲብ እዋን። አቤት ሚኢትን አክባረ ዐለ እሉ። ህተ ክም ረሳሚት። እበ ለትትዐለቅ መሰከለት ሐቆ ገብአት ትም እት ትብል እግል ልሰውረ ኣዘመት ምናም ዐለት። እት ክምሰልሁም እግል ሱሐፍዩን እብ ክሰሰ እሊ ለልትሰመዐ መሻዕር ኢሸርሐት እሉም። ወእት ወቅት ለርዋዩት ትክሸራታታ። ኡኪ ምን ኡቱኩ ልግበእ አውመ ምን እመ ለገብእ ረድ ፍዕል ኢሰምዐ።

ላኪን ክመ ህቱ ልታክዩ ለዐለ። ለመሻክል ምን ቀበት ቤቱ አንበተ። ፎሚት እሲት ኡኪ። ቀደም ህዳዮም እት ሐቱ ወካለት ናይ ሰሓፊት እት ኣለት ካትብት (ታይብ ራይተር) ትሸቁ ዐለት። ወእብ እሊ ሰብብ እግል ክጠጡ ህተ እግል ትክተበን እሉ ዲብ ልትክብብ ዐለ። እሊ ህዬ ክም ሸብብ ሰብ ፈረዕ ኑዕ ናይ ትልህዩተ ለዐለት። ሐቱ ገበይ ናይ ትልህዩ ሰብ ሻማት በህለት ቱ። ላኪን እምበል ሸክ ከሉን ለመክጡጣቱ ኢትን ክምሰልሁ ለዐለዩ። ለናይ ኡኪ አወላይ ከቱብ እት መጀላት እት ፈግራ እቱ ወቅት። ለእት ፍንጌ እብ ቀለም ለትክተበት ክጠት ወለነኣይሽ ሕሩፍላ መዋበዐት ለዐለ ፈርግ ተእሲር ሰኒ ኡትዐጀቡ። ሐር ላኪን ክም ከትባይ እት ምህንቱ ዐባይ ክብረት ክም ረክቡ። ሕሩፍላ መዋበዐት እት መክጡተቱ እግል ለአጅርዩ ለትቀድር ተእሲር። ክም ሸኒ ጠቢዔ ታክዩ። እሊ በህለት። ህቱ እሊ ተእሲር እሊ እቡ እት ለሐሰብ ከትብ ዐለ በህለት ኢትን። እት ከትብ እቱ ዐለ ወቅት። እግል እሊ በታተን እት ወግመ ኡቱዩ የዐለ። ላኪን ላመ እት ፍንጌ መክጡጠት ወወረቀት መዋበዐት ለዐለ ፈርግ። እት ወቅት ለሀይ ታርፍ ዐለ። እግል መክጡጠት እንዴ ኢገብእ እብ ከፎ እግል ወረቀት መዋበዐት ክም ከትብ ተማም ዕሉም ዐለ። አሰክላ ኑቃዋ ለእት ከዋለ እዲሁ ዐለዩ ተርጀመት ትግበእ አው ቂመት ለአለበን መሰለ ለዐለዩ። ወዲብላ ዋባዐት ፍንቱይ መዝሀር ዐለ እሊን።

ልብብ

ሰነትመ እግል ለአስታህላ ምን እንወድዩ ተሐይሰ

ሸብብ እግል ሐዋናት ክፍያት አውመ አሰማይ ገለድ ለሀዩቡ። እግል መሰል። እግል ሀበይ ወድ ነባይ ወእግል አድግ ወድ አፍሬት ወእሉ ለመሰል። እት ሸብብ ዐረብመ ክም እሊ ለመሰል ጋራት ልመድ ቱ። መሰለን እግል አድግ አቡ ሳብር ወእግል ገራይ እም ዓምር ለልብል ክፍያት እቡ ነቁምም።



ሐቱ አምዕል ከራይ ጀማዐት ሐቱ እግል ልቅቶለ ከሬፍ ምን ቤለው። ልበ ወዕንተ ቃውየት እት እንተ ዲብ ቤት ኦሮት እናስ አቱት ምናም። በዐለ ቤት ሰይፋ እንዴ ሐርጠ ፈግረ ዲቦም። ለከራይ ምንኩም እት ተሀርብ እሊ ሸፍርዬ ደሐን እት ተሐዘ ግርቀቱ ህሌት። ወሐሰብዬ ጋብአት ምንኩም ሰበት ህሌት እዘ ኦሮት ምንኩም ዶል ተምትመ እግል አሕድ እግል ነሓይሰ ኢትን ቤለዮም።

ለጀማዐት ለእናስ እብ አማን ልብሎምተ ክምህለ ምን ገጹ ሰበት አመረው። ፈርሀው ምን ወእበ አሰሮም ትም እት ልብሎ ዐቅበለው። ለእናስ ሐቆ እሊ እግል ገሻይቱ ሐሊብ ወነብረ ሐረብዩ ወሰኒ አጽገቡ።

ከእግል ከራይ ተማም ክም ትሐደረዩ ሰክቡ። ህተ ህዬ ብት ትብ ዲቡ ወኩብዱ እንዴ ፈድዐሰት ለደሙ ጨመት ወቀትላቱ። ሐቆ እሊ ምን እሊ ደመ ሕትግርት እት እንተ ክም ፈግረት ለጀማዐት ክም ረአወ ዐ'ረው እበ ከቀትለው።

ከመሰል እግል ሰነት እት ደኣነን ለወዳ ወእግል ለአለአስታህላ ለሀሀይብ ፈግረት እቡ።

(ሰነት እግል ለአለአስታህላ ለወድዩ፡ መቱድሕናይ እም ዓምር ለረክበት ትርክቡ) ትብህሉ።

ተበሰም




እናስ ውሕር ዐለ። ለእናስ ከርሲ አክል ብዋረት እናስ ለገብእ ዐለ እሉ። ከዶል ለነብረ እግል ልብለዕ ለሐዘዶት። እት ረአሱ ፈግረ ከደለ እበ ባኩ ሐልፈ ነዐ መልሀይ ቀደም በል እት ልብል ልትላከዩ። ለነፈር ወለ ንዩትመ ተሀሌ እሉ ምግላይ ክም ኢረኒ ትም እት ልብል ለሐልፋ ወህቱ ለነብራሁ በልዕ ነብረ።

ሐቱ አምዕል እት ረአሰላ ከርሲሁ ለውቁል ሰቁል እት እንቱ ወነብራሁ እግል ልብለዕ እት ልትግላ ኦሮት መንደላይ እበ ጀረፋ ሐልፈ። ህቱ ህዬ ክመ እት አመሉ። መሀሀይ ነዐ ቀደም በል ትጸበሕ ምሰልዬ ቤለዩ። ለመንደላይ ህዬ ማን ወገለብ ምን ትዋለበ ምግላይ ሰኣነ። ሐቆ እሊ ለጠሾ ምነ እዲሁ ለዋ አበለዩ ወእት ምድር ጀግሐ እሊ ወእግል እናስ። “መሀሀይ ሸንህት ናይ ነብረ ብክ ምን ገብእ እትሊ ምድር ትክሬ” ቤለዩ።

ለመንደላይ ሐቆ እሊ ለነብረ ትገሰ እሊ ወአሰክ ትትውሐ ላወሸ። እት ደንገበ ሐቱ ልቅመት ወድቀት ምነ። ህታመ ሀረሰዩ ወምነ ጨበል ምሰሰ አበለዩ ከእግል ሽግን ላተ ይሐድግ ቤለ ወእት አፋ ሎሸዩ።

ለእናስ ህዬ እት ውቅልት ምግላይ እት እንቱ ከሉ ለመዋዲቱ ለአተቃብሉ እንዴ ዐለ። እሊ ክም ሰምዑ። ያረይ የሀ እሊ እንተ እግል ሽግን ኢትን እግል መላእክት ለመቀረቢንመ ይሐደግኩህ! ቤለዩ።

ወሐር ምንት ሰምክ? እት ልብል ትሰኣለዩ። እን አግሀጽ ልብሉኒ ቤለዩ። ህቱ ህዬ፡ ኣላሁ የዕለም ዋልዳክ እት ዘማናም ምናም ለለዐቅል ወዘያዶም ለለአ'ምር ላቱ ዐለ ኢመሰለኒ። ለሰምክ አክል አሕድ ሀበወካ ተ ቤለዩ። ወሐቆለ አምዕል ለሀ ለአክይለ መዋዲቱ ህቱመ ጠለቀዩ።



ፍጥ ደንደን ወበሐር ቀየሕ ሐልጋው



ሐምስ ደረጃት ለሀላ ፈሪቅ ማይ ተመናይ ተልሀ። ቀደም ዕርፍ ሐበት ምን ጎል ለኢትራኤት እት ትልሀይ። እት ካልኣይ ሾት ላኪን መኬፍላይ ደንደን ናሆም ታደሴ እት 47 ደቂቀት ሸቀላት ፈሪቅ ለገልጸጸ ጎል አተ። እት 54 ደቂቀትም ናሆም። እግሉ ወእግል ፈሪቅ ካልኣይ ጎል ወሰከ።

ሐቆ እሎም ክልኡት ጎል'መ። ሸግዲት ማይ ተመናይ እግል ልሻርም ለኢትራገመ ደንደን። ደርብ ሕድ እብ ቢንያም መንግስት-ኣብ። ናሆም ዓወት ወመሓሪ መብረህቱ ሰለሰ ጎል እንዴ ወሰከ እብ 4-ዮሕ 5-1 ተወወተ። ማይ ተመናይ ለየቲም ጎሎም ኬሸን ግርማጽኖን እት 78 ደቂቀት አተዩ። ናሆም ታደሴ ለሐሰ መተልሀይ ናይላ ምሴት ገብኣ።

እሊ ጅግረ ፈጅር ከሚሰ። 2 ማዮ። ሸርከት ሰምበል ምሰል አልተሕሪር። አስመራ-ቢረ ምሰል ሸርከት ብኣእ ሰገን እብ ወድያሁ ትልሀያታት እግል ለአተላላይ ቲ።

ለሐልፊት ከሚሰ ለአንበተ ናይ ሐሊፍ ወተሪፍ ጅግራታት ካስ ሕርየት ሱፐር ዲቪዥን "ኤ" አቅሊም ምግብ። ሰንበት ዐገይ ዲብ ለአተላላይ። ፍሪቅ በሐር ቀየሕ ወደንደን እት ተሌ መርሐለት ተወደው።

እሰልፍ በሐር ቀየሕ ምሰል ጎዳይፍ ተልሀ። ቀደም ዕርፍ እብ የናታን ነጸረኣብ ሚርሐት

ለትአልበጠ በሐር ቀየሕ። እት ካልኣይ ሾት እብ ኤሰርም ረዘኔ ወናታን ብርሃኔ ክልኡት ጎል እንዴ ወሰከ 3-0 ተወወተ። ዐብለል ተሰፋ-ዘገ ህዬ። ሓይሰ ሰነ። ናይላ ትልሀየ ትሰመ።

ሳዐት 4:00 አልወሰር። እት ሰልፋይት መርሐለት ሻምፕዮን አቅሊም ምግብ ካልኣይት ደረጃት ጸብዮ ለሀላ ደንደን። ምሰል እት

በርሰሎና፡ ምን ግሪ ዲብ ቀደም



ለድቁብ ፍሪቅ ላሊጋ ስፕይን ምኑ አዳም ብዙሕ ልታክየ ለዐለ ትልሀየ ለማሌ ላሊ ፍንጌ በርሰሎና ወሻሌንሻየ ለገብኣ ትልሀየ ዐለት።

ትልሀየ ሳዐት 10:00 ሐቆ አልዕሸ አንበተት። በርሰሎና እሰልፍ ለአተው እት ገብኣ። እት 22 ደቂቀት ፈርሚን እብ አተዩ እሎም ጎል መርሐው።

ሻሌንሻየ ላኪን እት 27 ደቂቀት እብ ሁጎ ዱር ወዲብ 38 ደቂቀት እብ ሪጎሌ ፔፔሉ ደርብ ሕድ ክልኡት ጎል አተው። ወእግል ዕርፍ 1-2 ሻሌንሻየ እት መሬሕ ፈግረ።

ሐቆ ዕርፍ ሻሌንሻየ በክቱ ኢሰኔ ዲብ 49 ደቂቀት እንበተት ካልኣይ ሾት በዐል ጎሎም አከይ ትልሀየ ሰበት ተልሀ። እብ ከርት

ቀዩሕ ትጠረዘ ምናም። 10 ነፈር እብ እግል ልተልሀው ለትጀበረው ሻሌንሻየ። ሕምድት ትልሀየ እት ለአርኡ። አብካት ብዙሕመ ጀረበው።

ካልኣይ ሾት ላተ እግል በርሰ ገብኣ። ወክሱሰን እግል ሃትሪክ ለሸቀ ሮበርት ለዋንዶውሰኪ። እት 49'፣ 82'፣ ወ90+3' ደቂቀት ለዋንዶውሰኪ። ክልኡት እብ ረኣሰ ወኦር እብ እግር ሰለሰ ጎል እት ሸግዲት ሻሌንሻየ ወሸቀ።

ወእብሊ ትልሀየ፡ 4-2 እብ ዐውቴላ ልትዋሌ ለአምሰ ወሐር ለዋላ ፈሪቅ ሸባብ በርሰሎና ተመት። ወእብሊ ሰቡረት ላሊጋ ክእን ትመሰል ህሌት፡-

- 1, ርያል ማድሪድ --- 84 ንቅጠት
- 2, ብርሰሎና --- 73 ንቅጠት
- 3, ጂርና ---- 71 ንቅጠት
- 4, አትሌቲኮ-ማድሪድ---64 ንቅጠት
- 5, አትሌቲኮ ክሊብ---- 58 ንቅጠት



ተሸማ ናት ሸገጌ ደንደን ስትረፈዮ

ፍሪቅ ኮበሪት እግር አዋልድ አቅሊም ምግብ። ሰንበት ንኢሸ 27 አፕሪል ናይ ተሰፍያት ትልሀያታት ካስ ሕርየት አንበተዩ።

እት ክልኤ ትልሀየ ሰልፍ ለገብኣየ እት ምዕል። አዋልድ ሸርከት ሰገን ወጎዳይፍ ተልሀየ። ሰገን እት 12ይት ደቂቀት ሩታ ሙሴ እብ አቲቱ እለን ጎል 1-0 ዕርፍ ፈግረዩ። እሊ ፈሪቅ ሐቆ አርፍመ እብ ፍዮና ገርጊሴ ወበተልጻም ዘኪዮስ ክልኡት ጎል እንዴ ወሰከዩ። 3-0 ሰበት ተወወተዩ እት ተሌ መርሐለት አዳያት ህለዩ።

ትልሀየ ናይላ እት ሻምፕዮን አቅሊም ምግብ አክል ሕድ ፍኑቱያት ለዐለየ ደንደን ወተእሚናትመ እት ነሰፈ ለምዕል ገብኣት። እሎም ፍሪቅ ደዓም እት ናይ ካስ ሕርየት ትልሀየ ደንገበ እንዴ ትዋጅሀው። ተእሚናት ካስ ሕርየት ሁጉላት ክም ዐለየ ለልትዘከር ቲ።

እት ሰልፋይት 45 ደቂቀት ደንደን ለሃጅመ ዲብ ህለዩ። ተእሚናት እት አፍሸሎትላ ህጅማት ትጸመደዩ። ትልሀየ 0-0 እግል ዕርፍ ፈግረት።

እት ካልኣይ ሾት ተእሚናት ተን ለሃጅመ ለዐለዩ። ምናተ ጎል ለአተ ፈሪቅ ሰበት የዐለ። ዲብ ሪጎሌታት ተወደዩ። ተእሚናት ህዬ 4-2 ሰበት ተወወተዩ። ለአግደ መትጃግራዮን ፈሪቅ ምን ጽባብሐ ምን ጅግራታት እፍጉራቱ ህለዩ። ነፈር ፈሪቅ ተእሚናት ሉልየ አብረሃም ህዬ። ናይላ ትልሀየ ሓይሰት ሰናተ ገብኣት።

ካስ ሕርየት፡ ማሌ አተሉትመ እዳሪት ሰምበል ወእዳሪት ገጅረት እብ ወድያሁ ትልሀየ ትሉሉይ ማሰ ቲ። ላኪን ለፍገሪት ሰበት ኢዐሬት እግልን ኢጠብዐናህ እኩም።



ባዩር ሙኒክ ወርያል ማድሪድ እት ሸብሀ ነሃዩት

ደርብ-ሕድ እግል ካስ ፕሪመር ሊግ እቲ ልትአነቆ ለህለው ፍሪቅ አርሰናል ወማንጅስተር ሲቲ ምን ትልሀያታት ሰር ነሃዩት ለአትረፈው ባዩርን ሙኒክ ወርያል ማድሪድ። ማሌ ምሴት (ጅሪደት ዋግዐት ክም አቲት) ሳዐት 11:00 ሰር ላሊ ወጅሃም ቶም።



ናዲ ርያል ማድሪድ

እት ሚዳዮም ለልተልሀው ሙኒክ። ሐቆላ ካስ እሊ ጅግራታት እት ሰነት 2019/20 ለነሰኣት እቲ ጅግረ። እግል ሰልፍ ኢነቱ ቱ እት ትልሀየ ሰር ነሃዩት በጼሕ ለህለ። እት ሚዳዮም ሰበት ልተልሀው ህለው ህዬ። እትላ ትልሀየ እል እግል ልትወወቶ ወልክሰሶ ልትሰኣው። 14 ትልሀየ እት ሚዳን ለቀልበ ሙኒክ። አዘመ ፋል ሰኔ እግል ልግበእ እሉ ክልቅሰብ ልትሰኣ።

እብ ድዱ ፈሪቅ ርያል ማድሪድ። ካስ ላሊግ እግል ልትሆገል ቅሩብ እት ባጼሕ ዲብ ለህላ ኢነት። መዕነውያቱ እንዴ አደቀበ እግል ዝያደት ዐውቴ ለአኖኬ ህለ።



ናዲ ባዩርን ሙኒክ

እትሲ መውሰም 2023/24። ለገብኣ ቅልብ እንዴ ኢሳድፋ ቱ ምሰል ሙኒክ ልተልጻ ለህለ። ሰበት እሊ። ማሌ ምሴ ለገብኣት ትልሀየ። አልክላሲኮ ናይ እሊ ጅግረ ክምሰል ዐለት። ኩሎም ፈተኛ ኮበሪት እግር ሸህዳመ ለህለው ሐቂቁት ቲ።



ሐረካት - ገሮብ፡ ሐሊብ እም ለአቀዝሮ



እት ኖርወይ እት ለገብአ ድራሳት ሐዲሱ እማት ርያደት እንዴ ወደደ ዶል ለአጠብቁ ዓፍየት አግሩዝን ዝያድ ክም ትሰኔ ሐበረው።

እት ድራሳት፡ ለልአጠብቁ እማት ርያደት ዶል ወደደ አጀኒተን እግሉ ምን ሕማም ስከሪ እግል ልዳፍቦ ለቀድሮ ሚታቦሊዝም ለነዝም እት ሐሊብ እም ለልትረኩብ ሆርሞን ክም ህለ ሸርሖ። ብዝሓት ለልአጠብቁ እማት፡ ርያደት ሐሊብ እም እግል ኢልድረር ሰበት ፈርህ። ምን ሐረካት ልትጀመላ ክም ጸንሐዩ ልትሸረሐ። እትሊ እብ ኑዕየትቱ ናይ ሰልፍ ላቱ ድራሳት ላኪን ርያደት ዝያድ መንፈሪት ክም ተሐበረ።

ለድራሳት እት 240 ለልአጠብቁ አንስ ቱ ለገብአ። ርያደት ትርድት ለወደደ እማት ህይ። እት ሐሊብ ጥበን 'ኣዳፕክቲን' ለልትባህል ሆርሞን እግል እሊ ናይ ሚታቦሊዝም እግል ሳዎየት ሴድያይ ሰበትቱ። ክም ነቲጀት ህይ ሐረካት-ገሮብ እብ ተሰትህል እግል ልዕቤ ክም ሰድዩ ሐበረው። እት ገሮብ ግርዝ ድሆር ቅያስ ሆርሞን 'ኣዳፕክቲን' ዶል ለህሌ ምሰል አከይ መቅረሕ ናይ ኢንሱሊን ወሕማም ካልኣይ ደረጃት ስከሪ ክም ልትጸበጥ ሸርሖ።

ሐሊብ እም ምን ለትፈናተ ሕማም ለዳሬዕ ጠቢዕያይ ስራይ ቱ። እብ ለገብአ

ሐሩቀትከ እግል ተአብርድ፡ እብ ምልሃይከ አተንፍሰ

እብ ባሕሲን ጃምዐት ኣሃዩ እት ለገብአ ድራሳት፡ ሰኔ እት ለትሐርቅ እቲ ወክድ፡ ሐሩቀትከ ሕይት እብ ሂገ አው በአሱ፡ ዝያድ እንዴ አቀሬክ አተንፈሪክ ወአሰክ 10 ዶል እት ትሰሕብ እግል ትራቅብ ክም ትቀድሮ ሐበረው።

ለዐለመእ ሐሩቀት ወለ እብ ሂገ፡ ምን ገብእ፡ ደግሽ እግል ዶሉ ለልአበርድ ምንመ መሰል፡ ዲበ ለሬመ ወክድ ላኪን ለሐሩቀት ክም ኢልአበርድ ተአመራ። ቅብላት እሊ ምን መሻክል ተወትር ሐንገል እግል ለአርሄ ለቀድሮ አግቡይ በህለት ገጽ ጅወ እንዴ አቀሬክ እብ አተንፈሪት ወወክድ እንዴ ነሰኣክ ሐሲብ፡ ዕርፍ ወአተንፈሪት አሰክ 10 ወክድ እንዴ ሐሲብክ ምን ሐሩቀት ወደግሽ ለልአድሕን አግቡይ ክምቱ እንዴ አትለው አትፋቀደው።

ለድራሳት ቀደም እሊ እት ለገብአ 154 ለገብእ ናይ ክቱብ ድራሳት ለረከዛ ቱ ለዐለ። እት ነቲጀት ህይ፡ እንዴ ሐረቅክ መትሃራር፡ ዐፍሽ ሳበሮት አው ዛብጦት፡ ሰዐይ ወደግሽ፡ እግል ለህለ እግልክ ቀሀር ክም ኢልአበርድ ተአመራ። ምን እሊ ወኪን ህይ፡ እት ገሌ ወክድ ሐሩቀት እት ለኢለትሐዜ በአሰ ወደግሽ ክም ተአበዴሕ ለድራሳት አኩድ ህለ።

እት ደንገበ ለባሕሲን ዶል ተሐርቅ እግል ለአትሐርቅክ መውዶ አው ጋሮ ምን ነፍሰክ እንዴ አሬምክ አው እብ ሂገ አውመ እብ አተንፈሪት እግል ተአፍግሩ ክም ብከ እሊ ህይ፡ እት አብረዶት ሐሩቀት ሴድያይ ክምቱ ሐበረው።

ጀሐር-ካርቦን-ዳይኦክሳይድ ቱኣዝይድ-ቱባህል

እት ጃምዐት ታፍት አሚሪክ ለመርከብም ዐለመእ እብ ወደወ ድራሳት፡ እት ለትፈናተ ድቀራት እዲን ትሳድፍ ለህሌት ጀሐር፡ እግል እግል ብዙሕ ሰኖታት እት ሐንቱ አርድ ዕቅር ለጸንሐት ሐፋት በህለት ክም ካርቦን-ዳይኦክሳይድ ውበዕድ ዴራይ ጋዛት፡ መሳጥር እንዴ ትውዴ ዲብ ሀዋእ እግል ቲጊስ ክም ትወድዩ ተአመራ።

እት እዲን ምን ህለ ዕመማይ ቅያስ ካርቦን ለ80 ምእታይት እት ሐንቱ ትርበት ዕቁር ልትረኩብ። ምሰል እሊ አዜ እትሊ ወክድ እሊ እብ ሰበብ ወሰት ሐፋት እዲን እግል ረይም ወክድ ጠላለት እብ ኢሃለየት

መሳንዕ፡ መካይን፡ ነድ ቃሳት፡ ቦልካን ውበዕድ ለሬግር ካርቦን-ዳይኦክሳይድ እንዴ ገብአ ዲብ ወሰኑን ሐፋት እዲን ሐዞቱ ወዴ ክም ህለ ለባሕሲን ሐበረው። ቀደም እሊ ጀሐር ምን ዴማት ካርቦን-ዳይኦክሳይድ እንዴ ገብአ እት ወግም እብ ኢአትየቱ እግል ቅያስ ለዲብ ሀዋእ ለልትረኩብ ካርቦን እግል ቀየሶቱ ለልትቀደር ክም ኢጸንሐ ወደሐው።

እት ደንገበ ድወል ሐርስ ጀሪፍ ወንሻጣት ሕፍዘት ማይ ወትርበት እንዴ አደቀበው ጀሐር እግል ልትሐመል ለቀድሮ አዝረኡት እንዴ ዘርአው ወጠቢዕያይ ሸፍር ኮምፖስ እብ ልምደት ዲብ አንቀሶት ለ እብ



ወእብ ትሉሉይ ወሰክ ለህለ ጀሐር ህይ ገሌ ክፋል እሊ እግል መደት ረያም ዕቁር ለጸንሐ ካርቦን አሰክ ሀዋእ እንዴ ዐርገ ዲብ መጥርለ ምን

ሰበብ ጀሐር ምን አርድ አሰክ ሀዋእ ለልዓርግ ለህለ ዴራይ ቅያስ ካርቦን-ዳይኦክሳይድ እግል ዳፍየት ዶርም እግል ለአውቁ አትፋቀደው።

ካድስ ጠራር እብ ካርቱን

እት ወርሖ 6 ህዳ ለጌደት ከርህት ታህፃን ጸጋት ጸጋጋ 69 ወራር ጅን ተግደጦ ወደቀት ወ ከትህ መት።



ካሳኔል መንግስቱ ጎሌራ ጅት ቀብት 3 ወራር፡ ጅን ጸውፎ ሓቶ ገታጥማ፡ ገታጥማ ጅት ጠቶት ክም ታትከሌ ጌቶር ወ። ጎትሐሊው ምን ጌቶ ወ ክገሐሐ ጅት መገባገባ ሞገት ትቀየረው። ፍጥ ምፍገር ገብፋ ገሪጎት ጅት። ጅት ደነግገን ወርሖ 5 ህዳ ህራ ቱጌጌ ሃክሎ ክም ገንተራ ጅት ወ ሴድያቱ ቀደቶ ገር ዐገ።

